

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

28 pes

Namba 960

Wik i stat long Fonde, Novemba 26, 1992.

40 toea

Momis: PROVINSAL GAVMAN EM BUN BILONG OL PIPEL

MESERY GUBAG i raitim

SAPOS gavman i stap longwe long ol pipel, ol bai tanim bek na wokim trabel.

Papa bilong ol provinsal gavman long Papua Niugini na provinsal memba bilong Not Solomons, Pater John Momis i bin mekim dispela tok

long Tunde, Novemba 25. Na dispela i bin namba wan taim bilong em long kamap ples klia na toktok long tingting bilong gavman long rausim ol provinsal gavman.

"Sapos yu rausim pawa bilong mekim ol senis na kamapim ol samting long han bilong ol pipel, yu bai bagarapim ol. Bikos long dispela pasin tasol, yu bai kilim spirit bilong ol pipel.

"Ol pipel i no olsem ol masin bilong mekim mani o wok tasol. Ol i gat tingting. Ol lida i mas lukluk long helpim ol pipel long sait bilong sindaun na long tingting bilong ol tu.

"Planti ol arapela kantri i no gat kain fridom olsem yumi. Na ol lida i no ken yusim dispela pawa ol pipel i givim ol long rausim olgeta pawa long han bilong ol pipel. Liklik pawa i save bagarapim ol man. Tasol planti

pawa i save bagarapim ol man olgeta.

"Ol lida i mas tingim dispela. Gavman i tok ol provinsal gavman i no save mekim wok bilong ol gut. Tasol husat i save givim mani i go long ol provinsal gavman? Nesenel gavman i save givim mani long ol provinsal gavman long mekim ol projek na bringim sevis i go long ol pipel.

"Nesenel gavman yet i stapim wok bilong ol provinsal gavman. Bikos em i no givim inap fan. Ol lida i save paulim ol pipel bikos ol pipel i no klia gut long rot ol fan i save go kamap long ol.

"Sapos ol lida i laik makim ol pipel bilong ol tru olsem ol lida, ol i mas skulim ol. Ol i mas tok save long ol long ol dispela samting na wanem i go moa long pes 2



Bungim ol wanlain... Ol lain paitman bilong ples Kami long Isten Hailans provins i karim ol samting bilong ol long pait i kam long bungim ol poro bilong ol narapela hauslain long bikpela bung kaikai long las wiken. Ol i mekim olsem bilong tok tenkyu long ol lain husat i bin helpim ol long pait.

Kami hauslain amamasim ol poro

MOA long 3,000 man, meri na pikinini na 12-pela singsing grup i bin kamap long liklik ples Kami long Isten Hailans provins long wanpela bikpela bung kaikai long

las wiken.

Ol pipel bilong Kami hauslain i bin kilim moa long 100 pik na wanpela bulmakau na givim i go long ol hauslain bilong Segu, Kamaliki, Lufa,

Kimi na Simbu. Dispela ol lain i bin helpim ol Kami hauslain taim ol i pait wantaim ol birua bilong ol.

Ol pipel bilong Kami hauslain i mekim dispela

long soim amamas bilong ol long helpim em ol arapela hauslain i givim ol long taim ol i gat birua. Ol i bin kros na pait long toktok bilong graun bilong ol tumbuna.

INSAIT long NIUS

- Komiti sekim ol provinsal na lokol gavman...p2
- Provinsal gavman i paul...p3

• Helt kea
sot...p7
• Gavman
helpim ol
plus...p4



Tok tenkyu... Ol pipel bilong ples Kami i kilim ol pik wantaim bulmakau na redim i stap bilong givim i go long ol hauslain husat i bin helpim ol long pait. *Ol poto na stori: Sape Metta.*



HINO. BOS BILONG OL HAIWE.

Hino

Ela Motors

PORT MORESBY 229400 • LAE 433655 • RABAUL 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

EM4190

PLIS RIPOT



WEWAK: Wanpela Katolik sista i bin brukim het bilong em na i dai bihain long em i pundaun long wanpela PMV ka. Is Sepik Provinsal Plis Komanda, Sief Suprintenden John Wakon i tok Sista Anastasia Jamaga i bin stap long wanpela PMV i ron i go olsem long ples Boem. Na taim em i sanap na laik opim sel bilong ka long kisim win, Sista Anastasia i pundaun na brukim het bilong em long rot.

MOSBI: Nesenel Kapitel Distrik Metropolitan Plis Komanda Sam Inguba i tokaut olsem ol pipel i bin holim na kilim indai wanpela kalabusman long Morata Namba 1 long asde moning. Dispela man wantaim tripela narapela i bin holim wanpela sista na i laik bagarapim em tasol wanpela man i ronim ol. Ol narapela man i helpim em na paitim ol raskol ya na i kilim wanpela bilong ol. Mista Inguba i kolim nem bilong man husat i dai olsem Anton Teitei, husat i gat 25 krismas. Teitei i bilong ples Goleri long Tapini, Sentrel provins.

WESTEN HAILANS: Wanpela man i bin dai taim ka em i ron long en i kapsait long rot klostu long Baiya Riva. Nem bilong man husat i dai em Kent Tiptip. Em i gat 18 krismas na i bilong ples Mala long Dei Kaunsil eria.

ENGA: Wanpela kaunsol bilong ples Pindakini long hap bling Tsak Veli i bin dai bihain long wanpela pait namel long ol lain bilong Tumaikin na Pindakini. Plis i no save wanem as bilong dispela pait.

SIMBU: Polis i holim pinis wanpela man husat i bin ranawe long kalabus long las wik Fraide taim em i hensapim wanpela wokman bilong Elcom klostu long Mingende. Hailans rijon Plis Komanda Bunu Katusele i tok ol plis i bin kamap hariap tru long ples em man ya i wokim trabel na i sutim tupela lek bilong em taim em i laik ranawe. Nem bilong man ya em Peter Rex bilong ples Pari ausait long Kundiawa taun.

MOROBE: Wanpela olupela wokman bilong Fainens dipatmen i bin stilim bikpela mani bilong gavman taim em i yusim wanpela kain pepa ol i kolim "Netif Mani Tras Akaun Fom". Lae plis is sasim Daniel Munom, 30 krismas bilong ples Yale long Okapa, Isten Hailans provins taim em i rausim na stilim K16, 500 long dispela akaun.

WEWAK: Wanpela meri bilong Koil Ailan i bin dai long bagarap em i bin kisim taim wanpela man i bin paitim em. Provinsal Plis Komanda Sief Suprintenden John Wakon i tok meri ya i bin wok gaden i stap na wanpela man i kam na paitim em. Meri i kisim bikpela bagarap long lek, han na nek bilong em na bihain i dai.

Moa plis ripot long pes 7

Ol ripot bilong palamen kibung wantaim MESERY GUBAG

Nupela komiti bai sekim wok bilong provinsal na lokel gavman

WANPELA komiti i kamap pinis long painimaut long wok bilong ol liklik gavman insait long Papua Niugini. Na givim ripot long ol senis we bai mekim wok bilong ol i ran gut.

Praim Minista Paias Wingti i bin makim dispela komiti na tokaut long palamen long las wik.

Ol memba bilong dispela komiti i kam long tupela sait wantaim bilong palamen (gavman na oposisen). Mosbi Not Wes memba, Rob Suckling i siaman bilong komiti na provinsal memba bilong Galp, Chris Haiveta em namba tu bilong em.

Ol arapela memba em Bart Philemon (Lae open), Viviso Seravo, (Henganofi), Vincent Auali, (Tambul Nebilyer), John Pundari (Kompam Ambum), Titus Philemon (Samarai Murua), Peter Barter (Madang provinsal), Arnold Marsipal (Manus provinsal), Herowa Agiwa (Koroba Lake Kopiago), Joseph Onguglo (Kundiawa open), Bernard Narakobi (Wewak open), Moi Avei (Kairuku Hiri), Alois Koki

(Pomio), na Ben Okoro, (Sinasin Yonggamugl).

Dispela komiti bai ritim gen ripot bilong Henu Hisingut long ol provinsal gavman. Na mekim sampela wok painimaut bilong ol yet. Na bihain bai ol givim ripot long we ol i ting inap long mekim dispela ol liklik gavman olsem ol provinsal na lokel gavman long ran gut.

Las yia, Namalui gavman i bin askim olupela memba bilong Finsafen, Henu Hisingut long mekim wanpela wok painimaut long ol provinsal gavman. Dispela em long luksave long wok bilong ol provinsal gavman, na sapos ol pipel i laikim. Em i bin pinisim dispela ripot na givim long gavman. Na bihain em i bin dai.

Komiti ya i gat tupela mun tasol long mekim ripot bilong em. Na long namba wan bung bilong palamen long Februari 1993, em bai givim ripot bilong em long praim minista.

Kipalan bai sekim loya bilong Yama

MINISTA bilong Pablik Sevis Albert Kipalan i tok em bai kirapim wanpela wok painimaut long wanpela loya bilong dipatmen bilong Jastis.

Em i bin mekim dispela tok long palamen long Tunde, Novemba 24, bihain long em i kisim wanpela askim long memba bilong Wewak open, Bernard Narakobi.

Mista Narakobi i bin askim sapos em i save long wanpela gavman loya husat i bin go long Madang, na makim wanpela praivet sitisen long kot.

Wanpela Madang bisnisan, Peter Yama i bin kisim dispela gavman loya long makim em long kot i no amamas long win bilong provinsal memba bilong Madang, Peter Barter.

"Dispela samting i brukim olgeta lo karamapim ol pablik sevan. Na mi bai mekim wanpela wok painimaut i go insait long dispela samting," Mista Kipalan i tok.

Em i tok em i no save long dispela samting. Tasol long wanem samting em i harim, dispela i brukim lo bilong pablik sevis.

Bikos ol pablik sevan i mas wok long gavman tasol. Na i no long ol praivet sitisen bilong kantri na gavman wantaim.

Viles Sevises skim kempen long Hanuabada



• Ol manmeri na pikinini wantaim ol sios lida bilong ples Hanuabada i stap long trening long Skaut Ketkwata long Fonde Novemba 19 long apinun. Ol i kamap na kisim skol long nupela Viles Sevises Skim em minista John Nilkare bai statim long neks yia.

Momis toktok nau long provinsal gavman

i kam long pes 1
pawa ol pipel i gat long en. Ol i les long skelim ol pawa bilong ol bikos ol i tingim ol yet.

"Sapos ol pipel i gat save long rot ol gavman i save wok na pasin bilong kisim ol fan, ol lida i no inap long paulim ol nabaut. Ol bai wok gut na bringim ol sevis i go long ol pipel.

"Gavman i tok long rausim ol provinsal gavman.

Tasol olsem wanem tru bai em i holim ol pipel wantaim? PNG i gat kain kain kalsa na kastom. Na ol pipel i no inap long stap aninit long wanpela gavman i stap long Mosbi tasol.

Mi bilip long pawa i go bek long han bilong ol pipel. Wanpela samting i holim ol pipel nau em ol provinsal gavman.

Genia egens Wingti long kisim Australia man

MAUSMAN bilong oposisen long Maining na Petroleum, Jack Genia i tokaut olsem em i no amamas tumas long we na pasin nesenel gavman i wok long toktok na mekim long wok bilong maining insait long Papua Niugini.

Mista Genia i tok gavman i wok long toktok long em bai yusim ol maining na petroleum kampani long stretim iekonomik hevi bilong PNG.

Tasol nau yet nesenel gavman i wok long toktok nabaut na i no putim ol maining na petroleum kampani long wanpela stretpela rot, bai ol mekim wok bilong ol.

Mista Genia i mekim dispela toktok bihainim hevi we nau yet i stap namel long gavman, ol papagraun na CRA kampani husat i mekim wok long Maun Kare gol main.

Bikos long dispela hevi

Mista Genia i tokaut olsem em i no amamas long Praim Minista Paias Wingti i kisim wanpela man long Australia long givim tingting long em yet (Wingti) na Minista bilong Maining na Petroleum, Masket langalio long ranim wok bilong maining na petroleum. Nem bilong dispela man Australia em Dennis Reinhardt.

Mista Reinhardt em i wanpela bisnisan long Aus-

tralia. Tasol bisnis bilong em i bin bruk daun namel long 1988 na 1989. Na em i gat dinau long beng long Australia.

Long las wik Fraide, Mista Genia i askim praim minista Wingti long tokaut long wanem astingting na em i kisim Mista Reinhardt long givim tingting long em na Mista langalio long ranim wok bilong maining.



Provinsal gavman na Viles Wara long Mosbi saplai yet Sevises skim i no klia gut

TOKTOK bilong provin-
sal gavman na Viles
Sevises Skim i no klia
tumas.

Bikos ol toktok i
kamap long palamen

kibung i narakain long
ol toktok i stap long
ripot nau i go long ol
dipatmen na provinsal
gavman.

Minista bilong Provin-

sal Afeas na Komyuniti
Gavman long Nu Ailan,
Mitchell Aipau i mekim
ol dispela toktok bihain
long toktok bilong min-
ista bilong Viles Sevise-

es na Provinsal Afeas,
John Nilkare long pala-
men long Fraide.

Long dispela taim,
Mista Nilkare i tokim
palamen olsem Viles
Sevises Skim i no
kamap long kisim ples
bilong ol provinsal gav-
man. Tasol dispela
skim i kamap bilong
bringim tru servis bilong
gavman i go long ol
pipel long ples.

Na em i bin tokim
palamen tu olsem ol i
no inap rausim olgeta
wok bilong ol provinsal
gavman. Wanem samt-
ing nesanel gavman i
laik mekim em long
stretim gen dispela sis-
tem long helpim ol wok
long Papua Niugini.

Tasol Mista Aipau i
tok dispela ol toktok
bilong minista i no
bihainim wanem ol tok-
tok i stap long pepa
nau ol i kisim. Bikos
pepa i soim wok bilong
dispela nupela provin-
sal na distrik atoriti
long kisim ples bilong
ol provinsal gavman.

MOSBI i gat inap wara bilong dring,
kukim kaikai na waswas.

Dispela wara antap long Sirinumu
bai stap longpela taim yet. Na i no
inap pinis bihain long 30 de olsem ol
ripot long Mande i bin tok long en.

Nesanel memba bilong Mosbi Not
Wes na wanpela Siti Komisina,
Robert Suckling i tok olsem bikipela
ples bilong holim wara antap long
Sirinumu i gat inap wara i stap yet.

Na em i tok moa olsem hevi bilong
wara long Mosbi siti i no bagarap
olsem ol ripot i bin tok long en. Bikos
ol lain long Gerehu, Waigani, Is
Boroko, Boroko, Godens na Koro-
bosea i no save painim hevi long
wara.

Hevi i kamap bikipela tasol long

sampela hap bilong Hohola. Bikos
dispela ol hap i save kisim wara i
kam long bikipela teng antap long
Toaguba Hil olsem long Badili, Kone-
dobu na bisnis senta insait long
Mosbi.

Em i tok dispela hevi i no bikipela
na Nesanel Kapitel Distrik Komisen
(NCDC) i wok long traim stretim
wanem hevi i stap long en.

Mista Suckling dispela ol hevi i
kamap bikos sampela pipel i save
bagarapim ol paip bilong karim wara
oltaim. Na dispela i stapim wara long
ron stret. Na tu, Dipatmen bilong
Fainens i no bin oraitim askim bilong
NCDC long kisim dinau na stretim
dispela hevi.

Traim baim kaikai long Mikarap maket



• Ol manmeri i salim kaikai long Mikarap maket long Bogia,
Madang provins long las wik Sarere. Dispela maket i save pulim
planti manmeri tru ya. Bikos yu ken baim planti kaikai long liklik
mani tasol. *Poto: Francis Uliau.*

Gavman laik stretim ol haus kalabus

GAVMAN bai stat stre-
tim ol haus kalabus
insait long kantri.

Dispela em long
kirapim ol wanwan sel
bilong ol meri, yang-
pela pipel, ol lain husat
i kalabus long mekim
bikipela trabel, na ol
lain husat i kalabus
long liklik trabel.

CIS minista John
Kamb i tok dipatmen
bilong em i askim pinis
wanpela kampani long
painimaut na skelim
kos bilong dispela pro-
jek.

Dispela kampani ya
em Kunjam Projek Dis-
ain (KPD) Pty Ltd

bilong Gol Kos long
Kwinslen, Australia. Na
ol bai wok bung wan-
taim CIS dipatmen,
Woks na Fainens na
Plening dipatmen long
dispela projek.

"Dispela projek em i
wanpela bikipela samt-
ing. Bikos mipela i
laikim ol kalabus long
kamap ol ples we ol i
bin tingim na kamapim
long en.

"Mipela laikim ol pipel
husat i go long kalabus
long senisim pasin
bilong ol taim ol i pinis
na kam ausait. Dispela
em i astingting bilong
kamapim ol kalabus. Ol

kalabus i no ples bilong
ol pipel long go na
skruim dispela ham-
bak pasin bilong ol."
Mista Kamb i tok.

KPD bai lukluk long
kamapim gutpela
sekyuriti, haus kalabus
na haus bilong ol
woda.

Ol narapela samt-
ing em bai lukluk long stre-
tim em;

- kamapim ol ples
bilong pilai na malolo
- kamapim strongpela
banis
- kirapim gutpela pro-
gram bilong stretim
haus bilong ol woda

For a better future ...



BONANZER
ACCOUNT

BONANZER
ACCOUNT

WANTOK
NIUSPEPA BILONG OL PAPUA NIUGINI STRET

No ken paulim ol pipel

Nau em i namba wan taim bilong man husat i bin toktok planti na bringim provinsal gavman i kam insait long Papua Niugini i kirap na toktok.

Long ol toktok bilong em, Pater John Momis i tokaut kila tru na isi long sampela bikpela samting em ol lida i mas tingting long taim ol i toktok long rausim provinsal gavman.

Wanpela bikpela toktok bilong Pater Momis i sut long pawa bilong ol pipel em ol lida bai yusim long rausim gen dispela pawa. Kain tok olsem i paulim liklik, tasol minging bilong en i kila tru.

Dispela ol toktok bilong pawa na mani bilong provinsal gavman i mas gat bikpela luksave long en. Moa wok na toktok i mas kamap long dispela. Ating samting nupela gavman i laik mekim i kwik tumas. I mobeta em i malolo na isi liklik.

Praim Minista wantaim ol lain bilong em i mas tingim gut dispela samting ol i laik mekim. Bikos nau planti tok paul tu i kamap. Toktok i stap long ol ripot nau i go long ol dipatmen long dispela Viles Sevises Skim i narakain long ol toktok i kamap long maus bilong minista i lukautim dispela wok long nesanel palamen.

Dispela kain pasin tu i no ken kamap. Bikos em bai paulim tasol ol pipel, na ol bai kisim taim. Olsem na gavman i mas skelim gut ol dispela toktok bilong Pater Momis na ol arapela lain long bipo i kam inap nau.

Gavman bai helpim ol pipel bilong ples tasol

MESERY GUBAG i raitim

OL pipel i mas go bek long ples bilong ol na no ken stap long ol taun na raun nating, sapos ol i laik kisim sevis bilong gavman.

Praim Minista Paias Wingti i tokim ol pipel long Lae olsem taim em i go raun na lukim ol pipel long hap long las wik Fraide, Sarere na Sande. Em i tok gavman bilong em i no inap helpim ol pipel husat i ting ol bai stap nating na lukluk long han bilong memba bilong ol.

Tasol em bai helpim ol pipel husat i wokim ol wok long ples olsem planim kakau, kopi na kopra. Bikos bikpela plen bilong baset bilong gavman bilong em i lukluk long helpim ol pipel husat inap long helpim ol yet.

Long dispela taim, em i tok gavman bilong em i bilip long ol pipel wok bung wantaim na divelopim kantri. Na i no long sampela lain tasol i wok na sampela nogat.

"Mipela i gat

dispela kain plen long yumi olgeta wok bung wantaim. Bikos mipela i gat bilip long yupela long kamapim ol wok

nabaut. Long tude, olgeta samting i kamap long mani tasol. Mipela i laikim mani i go bek long poket bilong ol pipel. Olsem na mipela i mekim tripela samting

longbaset bilong 1993. Nambawan em mipela bai baim skul fi bilong ol pikinini long gred 1 i go inap long 8. Na baim K150 long olgeta pikinini long gred 9 -12.

Ol BRA paitman sut long PNGDF helikopta

WANPELA ripot i kam long opis bilong praim minista Paias Wingti i tok ol rebel paitman bilong Bogenvil long Tunde Novemba 24, i bin traim long sutim wanpela helikopta bilong PNG Difens Fos. Dispela helikopta i bin karim wanpela sinia gavman opisa, Bob Needham i go long Bogenvil. Mista Needham em menesing dairekta bilong Minerel Risoses Developmen Kopresen bilong gavman.

Ripot ya i tok ol rebel paitman i traim long sutim dispela difens fos helikopta taim helikopta i pundaun long Tunuru misin stesin long Sentrel Bogenvil long Tunde apinun.

Bipo long dispela helikopta i pundaun, ol rebel paitman i traim long sutim helikopta.

Ol arapela man husat i go wantaim Mista Needham em Kepten Otto Pandum na wanpela narapela ami opisa bilong 1 RPIR, mausman bilong gavman long Bogenvil media, Franzalbert Joku, wantaim sampela ovasis niusman na meri.

I no longtaim na ol rebel paitman i kirap sut long atometik raifol long sait bilong maunten klostu long misin stesin.

Isi we nau bilong bungim mani



• James L. Waila (lephan) wantaim ol sapota na wan geng bilong em. Ol i soim fan resing pepa bilong Nesanel Yut Sevis, na bungim mani ausait long Waigani Soping Senta, Mosbi long las wiken.

Poto: David Rom.

Alit winim sia bilong Wangel bai ileksen

WANPELA indipenden kendidet i winim bai ileksen bilong Wangel Konstituensi bilong Madang provinsal gavman.

Man ya em Roy Alit, krismas bilong em 37 na em i bilong ples Sarisabu. Em i marit na i gat 5-pela pikinini.

Sia bilong Wangel Konstituensi i bin stap nating bihain long indai bilong olpela Fainens Minister Leit Nick Owet long stat bilong dispela

ya. Mista Alit i bin win long 697 vots olgeta. Ol arapela kenidet husat i kisim vot tu em Mamol Uram 586, Gusa Movo 486, Bernard Olok 391 na Otto Arek 128.

Provinsal ritening opisa Abraham Wari i tokaut long win bilong Mista Alit long Fonde Novemba 12 long 30 minit lusim 11 klok long nait.

Moa studen bai go long haiskul

INSAIT long narapela 10-pela yia, edukesen dipatmen bai putim gred 7 na 8 i go insait long sampela bikpela komyuniti skul insait long Papua Niugini. Dispela bai givim sans long ol sumatin long komyuniti skul long skul i go inap long gred 8.

Astingting bilong gavman i kamapim dispela em bikos long nau yet namba bilong ol gred 6 sumatin husat i save go long haiskul i no gutpela tumas. No gat planti sumatin husat i mekim gred 6 i gat sans long go long haiskul. Na tu taim gred 7 na 8 i go daun long ol bikpela komyuniti skul, ol haiskul bai kisim planti sumatin long mekim gred 9 na 10.

Minista bilong Edukesen, Andrew Baing i tokaut long dispela long Tunde, Novemba 24, taim em i mekim baset toktok bilong em long wanem samting dipatmen bilong em bai mekim long 1993.

Mista Baing i tok wok bilong kamapim ol nupela haiskul insait long kantri i no helpim planti gred 6 sumatin long go long dispela ol haiskul. Olsem na gavman i no

amamas long dispela samting. "Long mekim ol pipel i gat bilip long gavman, gavman bai wokim ol haiskul we em i tokorait pinis long en. Na tu ol haiskul we wok i wok long go het yet long pinisim. Long baset bilong 1993, gavman i givim K5,764,200 long mekim dispela ol wok," Mista Baing i tok.

Em i tok gavman bai i no inap long wokim moa ol nupela haiskul insait long dispela taim we em i laik stretim edukesen sistem long kantri. Tasol gavman bai wokim ol nupela haiskul sapos em i lukim olsem namba bilong ol sumatin long go long ol haiskul na mekim gred 9 na 10 i go antap.

"Dispela i no min olsem olgeta komyuniti skul insait long Papua Niugini bai i gat gred 7 na 8. No gat. Dispela em long wanem planti komyuniti skul i liklik tumas, na bai i no inap long sapotim gred 7 na 8 long ol yet," Baing i tok.

Em i tok sapos long wanpela hap i gat planti liklik komyuniti skul, dispela ol liklik komyuniti skul bai kam bung wantaim.

WANTOK
NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

| PLES | AIR |
|-----------------------|---------|
| Mosbi | K30.00 |
| Arapela PNG eria | K60.00 |
| Australia na Nu Silan | K92.00 |
| Esia pasifik na Japan | K123.00 |
| Amerika na Yurop | K180.00 |

BE AB BIABIA GO HOUDE LONG PYES!!!

AEE! GUTPELA TAIM LONG PAINIM PIS YAH!!! TASOL MI LES LONG DAUN KP DAUN NA PAINIM PIS YAH, KOL YA!

NAU EM PAINIM WANPELA OLPELA WOA-TAIM BOM NA MEKIM DAINA-MAIT BILONG KILIM PIS!!!

YAHOO! LUKAUT OL PIS! HAN BOM BILONG OL SAPAN I KAM NAU!

NAU EM I GO TESTIM LONG SOLWARA!!!

EM TINGTING LONG GO PAINIM PIS TASOL EM I LES TRU LONG KALAP IGO DAUN WARA NA EM TINGIM WANPELA AIDIA!!!

HAH MISAVE! BAI MI GO PAINIM OL OLPELA WOA-TAIM BOM NA MEKIM DAINA-MAIT!..KI, YAH!

TASOL!... YU SAVE PINIS, EM POPAIA... NA BAGA NOGUT KLOSTU BUNGIM MATMAT...

ARR!! WA! NA MI BON...SNIE!

ICU



Wanpela potnait Kanage kisim pe na pinis wok hariap tru. Em i go long Stop N Shop supamakot long Waigani long baim samting. Em i go insait long stua na kisim olgeta kaikai na kisim i go long baim. Na long ples bilong baim ol samting em wanpela meri Wabeg i wok.

Meri Wabeg ya i raitim prais bilong ol kaikai long masin i go na han bilong em i pen. Em kirap na kros long tok Inglis olsem: "My goodness. What kind of man of tile of mine." Kanage harim olsem na bekim. "Today is Friday. Not Monday. And how much for your sheep Tongue, your pink cabbage and your fresh mountain bread." Meri Wabeg ya i harim na smail long Kanage. Na Kanage i kirap na tokim em gen olsem: "Wes Sepik ples bilong Paradais. Em tasol ya katim lewa. Kaunsil bagarap. Na yu tu bagarap. Olsem na Stop N Shop tu i bagarap."

Dee Jeey na M. K. S.
Boroko - MOSBI

Kanage i save wok long bikpela haus sik long Hagen. Wanpela taim wanpela yangpela meri Tolai i sik nogut tru na go long haus sik.

Taim em i kamap long haus sik, Kanage askim em long wanem kain sik em i gat. Meri Tolai ya kirap na tokim Kanage olsem het bilong em i pen, na tu skin bilong em i hat.

Em nau Kanage i givim meri Tolai sampela het pen marasin pinis, na givim em wanpela sut long as. Taim Kanage i givim sut pinis, em i go long fran bilong meri na sekim em. Meri Tolai ya i kirap na askim Kanage: "Yu painim wanem samting ya."

Kanage i kirap na bekim. "Stap isi. Nogut sut ya i kam kamap long hapsait. Olsem na mi kam sekim."

Meri Tolai ya paitim maus bilong Kanage na rausim sut long as bilong em, na ranawe i go ausait.

Franco Nimbi na Bambo
HAGEN

Kanage save raun wantaim ol bikhet manki long taun na ting olsem em i wanpela bikhet manki.

Wanpela taim em bungim tambu bilong em. Nem bilong tambu em Kopkop. Em nau Kanage kirap na traim long pik poket long tambu bilong em. Tasol tambu lukim Kanage pinis long hap ai bilong em.

Tambu i kirap na tokim Kanage: "Hel Kanage. Yu lukim han bilong mi pastaim. Han bilong mi i moa bikpela long pes bilong yu ya. Yu laikim bai dispela liklik pes bilong yu i solap o wanem?"

Kanage harim olsem na em sem pipia stret na ranawe

Jeremaia Valarian
Angoram
WEWAK

Kanage stap long Rabaul taun longpela taim. Olsem na em save gut tru long tok ples Tolai. Wanpela taim Kanage wantaim sampela yangpela man Tolai gris long i go katim blok bilong wanpela bikman bilong ples. Belo na ol i malolo. Em nau ol i wok long stori long kain kain ka o trak.

Wanpela manki Tolai i kirap na tok olsem Toyota em i wanpela strongpela ka. Tasol Kanage i no amamas long dispela. Olsem na em i laik tok olsem Mitsubishi em i wanpela top ka. Tasol abrus na em i tok olsem. "Mi sit i biti em i wanpela top ka." Ol manki Tolai i dai nogut tru long lap. Long wanem Kanage i kolim Mitsubishi long tokples Tolai ya.

Clip Rich
KOKOPO

Moa tok pilai long pes 17

Paia kukim pik na ol kes krop long Kerowagi

DILU DECK i raitim

PAIA tupela manki i statim i bin kukim tripela pik na bikpela hap graun tru long Novembam 15. Dispela birua i bin kamap long ples Angagoi long Kerowagi insait long Simbu provins.

Dispela tripela pik i bin sanap brukim graun aninit long wanpela diwai taim paia i kamap na kukim ol. Ol i

no inap ranawe bikos papa bilong ol i bin pasim ol long rop wantaim wanpela diwai.

Famili bilong dispela tupela boi i stretim pinis wanpela pik. Na ol bai givim gen narapela tupela long bekim birua em i bin kamap long pik bilong narapela man.

Long narapela wankain birua, wanpela man i bin kukim

Isten Hailans tambuim ol stua long salim 4-pela sol

DIVISEN bilong Helt insait long Isten Hailans i putim wanpela tambu pinis long ol bikpela supamakot na stua insait long provins long salim sampela kain sol bilong kukim kaikai. Bikos ol i no gutpela long helt na laip bilong ol pipel.

Nem bilong dispela ol sol em Saxa picnic packs Cerebos tebol sol, Black & Gold cooking sol, na Wyandra cooking sol.

Ol helt inspekta long Goroka, Kainantu na tu insait long ol rurel eria bilong provins i wok long go raun long olgeta stua, na rausim ol dispela sol. Wanpela sol tasol we ol stua insait long Papua Niugini i ken salim long ol manmeri long yusim long kukim kaikai em Saxa iodised sol.

Dispela tambu i kamap bihain long wanpela wok painimaut i soim olsem dispela 4-pela sol i no gutpela long helt na laip bilong ol manmeri. Bikos ol i no gat wanpela marasin ol i kolim iodine.

Namba wan wok painimaut we ol helt opisa long Dipatmen bilong Helt long Mosbi i karimaut i soim olsem dispela 4-pela sol i gat liklik iodine tasol. Na dispela i wok long kamapim wanpela sik ol i kolim 'Goiter'. Dispela sik i save mekim nek bilong ol manmeri i solap.

Nogat inap mani bilong stretim ol ples balus

MANI bilong Sivil Aviesen i no inap long stretim olgeta ples ples balus insait long kantri long neks yia.

Provinsal memba bilong Madang na oposisen mausman bilong Kalsa na Turisim Peter, Barter i bin mekim dispela tok long Tunde, Novemba 24. Em i tok taim baset i stap long

sampela milien, gavman i inap long lukautim ol ples balus.

"Ol laip bilong pipel inap long bagarap sapos ol i no stretim dispela ol ples balus. Bikos ol pipel i save yusim ol dispela ples. Na sapos ol i no lukautim gut, ol bai bagarapim ol pipel," Mista Barter i tok.

Yangpela man bungim birua

OL pipel bilong ples Dirnige long Kerowagi insait long Simbu provins i bin paitim na bagarapim stret wanpela yangpela man husat ol i tok i bin wokim posin na kilim wan lain bilong ol.

Dispela samting i bin kamap long Novemba 15.

Ol ripot i tok ol lain long ples i save long dispela man olsem wanpela sanguma man. Na bihain long planti lain i dai, ol i ranim em i go long narapela ples i stap klostu. Tasol long hap, em i mekim wankain pasin.

Ripot i tok ol lain bilong man husat i dai i bin paitim na pasim nek bilong dispela man long rop. Na ol i laik katim nek bilong em, tasol sampela lain i banisim em. Em i kisim bikpela bagarap na ol bringim em i go long Simbu haus sik.

Ol plisman i go kamap tasol i no holim wanpela man.

Long dispela taim, ol lain bilong man husat i dai i paitim tu mama bilong dispela sanguma man.

Ol ripot i tok dispela sanguma i bin go stap wantaim dispela man husat i dai long Kondopina setelmen long Hagen. Olsem na taim em i dai, ol i sutim tok long dispela yangpela man long posin em.

Ripot i tok moa olsem taim dispela man i pinis long haus sik, ol bai kisim em i go bek long ples long autim stori bilong em long dispela samting.

pipia long nupela gaden bilong em taim win i karim paia i go na kukim bikpela hap graun na kaikai bilong ol arapela lain.


Dispela birua i bin

kamap long ples Gena long Kerowagi. Na paia i bin kukim ol diwai kopi, kadamon, banana, pandanus na planti arapela diwai samting. Namel long ol

em wanpela haus.

Na bikpela komplek i kamap nau long kompensesen bilong bekim ol samting paia i bin kukim. Na ol toktok yet long dispela.

Pairap bilong Smugglers Inn Madang



Ol lain ya bilong Madang i pilai bung bilong sampela opisa bilong CIS Madang, husat i pinisim kos bilong ol long las wik Fraide. Dispela bung i bin kamap long Smugglers Inn. Foto: Ben Taumai.

SUZUKI

SALE

LEAVING THE
COMPETITION

IN OUR
WAKE.



K1450

Main Centres

DT30



PNG MOTORS

NATIONWIDE AND AUTHORISED
DEALERS.

SUZUKI

TU MINIT TINGTING

YUMI MAS WET PASTAIM



FRANK MIHALIC i raitim

ADVEN em i taim bilong wet long Jisas i kam bek long Krismas. Olsem na em i gutpela yumi tingting long pasin bilong wet. Bilong soim dispela aidia yumi yusim eksampel bilong planim pikinini bilong mais.

Ol i stori long wanpela skulboi i bin wokim wanpela liklik gaden insait long wanpela katon na em i laik lukim mais i wokim em gro olsem wanem. Orait, nau em i putim gutpela graun insait long katon. Em i wokim liklik hul insait long graun wantaim pinga bilong em, na em i matmatim wanpela pikinini mais insait long em. Nau em i givim wara long graun, na i sanapim katon long gutpela ples we i gat san, na olgeta de em i go sekim. Bihain long wan wik samting em i lukim liklik lip bilong kru mais i kamap. Nau olgeta de boi ya i kam bek na i sekim gro bilong dispela liklik kru mais. Tasol long tingting bilong dispela boi, kru i gro isi tumas, olsem na wanpela de boi

ya i les na pulim liklik kru mais i kam antap long graun, bilong hariapim gro bilong em. Na yu ting wanem? Dispela pasin hariap bilong liklik boi i bin helpim kru bilong mais? Nogat. Dispela i kilim kru mais i dai. Sore, dispela liklik boi i les long wet.

Long dispela taim bilong Adven, yumi save skul long pasin bilong wet long dispela tok bilong Jisas, "Yumi mas stap olsem ol wokboi i wetim bikman bilong ol i kam bek long bikpela kaikai bilong marit." (Luk 12:36) bikman ya em i Jisas, em i laik kam bek gen long dispela Krismas.

Nau yumi planim wanpela pikinini mais gen. Tasol yumi tambu long hariapim gro bilong em; yumi go het isi na bai samting tru i kamap. Bihain dispela pikinini bilong mais i karim pinis, yumi laik bungim mais i

mau pinis na kukim long paia, na tilim long ol pren na sindaun kaikai wantaim ol.

Orait, nau yu holim dispela liklik pininini mais long han bilong yu, na yu lukim em strong na yu askim yu yet: "Mi inap wet inap dispela liklik pikinini i go insait long graun na i putim kru?" Na yu askim moa: "Mi inap wet tripela mun bai liklik kru i gro antap na i kamap stik mais na san na ren wantaim win i wokim tripela mais long hapsait bilong em?" Na j gat sampela moa askim: "Mi inap wet long gras bilong mais i blakpela pinis na mais i redi long kaikai? Mi inap wetim taim we mi go long gaden na kisim tripela mais, na bingim i kam bek long ples, na kukim long sospen wantaim wara, na tilim long tripela wantok?"

Laip bilong yumi olgeta manmeri i olsem laip bilong dispela

mais. Yumi save stat long gro insait long gaden bilong bel bilong mama, nau yumi kam aut olsem liklik kru. Nau yumi save gro, gro inap yumi mau pinis nau yumi kamap lapun manmeri. Sam 126.6 i tok piksa olsem long laip bilong yumi: "Ol man i krai na i karim kaikai i go bilong planim; bihain ol i singim singsing bilong amamas na kisim kaikai i mau na i kam."

Long laip bilong yumi yet, yumi mas skul long pasin bilong wet, olsem yumi bin wet long pikinini mais i gro na i mau pinis. Yumi askim nau sampela kwesten. Mi save wet inap ol gutpela wok mi bin wokim pinis i ken karim liklik kaikai? Mi save wet inap mi winim ol birua na taim nogut pinis na laip bilong mi i ken go het gut gen? Mi save wet na winim paia na wara i boil? Em ol kain sik na pen na wari i save

kukim sol bilong mi. Mi save givim mi yet long helpim ol arapela, olsem nau i tilimaut tripela mais ya? Mi save wet inap mi ken pilim tru, God yet i stiam laip bilong em? Mi save wet inap Jisas i kam bek gen long dispela Krismas, na em bai traim wantaim moa long painim liklik haus win bilong em insait long bel bilong mi?

Tru tumas, sapos bikman i lukim mi wet i stap, long taim em i kam bek "bai em i sotim laplap na pasim let na em i tokim mi long sindaun long tebol na em yet bai givim kaikai long mi." (Luk 12:37).

Drama grup autim tok bilong God Las greduesen bilong CTC



• Ol lain sumatin bilong Kundiawa Lutheran De haiskul i sanap ausait long haus lotu bilong Angagoi Lutheran kongrigesen. *Poto na stori: Dilu Deck.*

LONG las yia, ol studen bilong Kundiawa Lutheran De haiskul i bin kamapim wanpela drama pilai grup ol i kolim olsem "Reachout Drama Group."

Ol i kamapim dispela drama pilai grup bilong go long ol Lutheran Sios kongrigesen ausait long taun na autim Tok bilong God, na wokim ol kain kain pilai samting.

Long las yia, ol i bin go long wanpela longwe ples long Kerowagi distrik. Dispela em long Angagoi Lutheran kongrigesen, na em i stap samting olsem 10-pela kilomita longwe long Kerowagi gavman stesin.

Ol i go slip inap long wanpela nait na autim Tok bilong God long ol manmeri long hap.

Pater PAUL LIWUN i raitim

NAMBA 4 de bilong mun Novemba, 1992 i gat bikpela mining tru bilong Katekis Trening Senta (CTC) long Wanepap Peris, insait long Wabeg Daiosis. Bikos dispela em i las greduesen bilong 23 katekis, na tu las de bilong CTC.

Greduesen i stat wantaim lotu na prosesio, stat long skul eria na go daun long Haus Lotu bilong Wanepap. Sampela manmeri bilong Wanpap i putim naispela bilas tum-buna, singsing kalap i go pas long dispela prosesio.

Bihain long ol, Katekis wantaim ol meri bilong ol. Bihain tru em i olgeta Pater wantaim Bisop Hermann Raich SVD. Taim prosesio i kamap long dua bilong Haus Lotu, ol pipel i kirapim singsing: "Kam, kam, kam insait, Kam kam kam sindaun, Jisas singautim yumi kam."

Bisop Hermann Raich SVD bilong Wabeg Daiosis i go pas long dispela greduesen misa. Long homili bilong em, Bisop i tok: "Nau yupela (ol katekis) i pinisim kos bilong yupela na trenim bilong yupela. Yupela bai kisim setifiket. Tasol dispela setifiket em i no namba wan samting. No gat. Setifiket em i olsem mak bilong wanpela samting yupela laik kamapim. Yupela i autim Gut Nius em i min yupela i autim Jisas Krais, yupela i no autim yupela yet. Olsem na namba wan samting yupela mas tingim em pasin bilong

yupela. Toktok long maus tasol i no inap. Pasin bilong yupela i mas kamap namba wan samting. Sapos yupela i autim Gut Nius, tasol pasin bilong yupela i no stret olsem yupela i autim, olsem wanem ol pipel bai harim na bihainim tok bilong yupela?"

Long dispela holimi tu, Raich i soim tripela rot bilong autim Gut Nius.

Nambawan: Go long yupela yet. Yupela i autim Gut Nius long narapela manmeri, tasol yupela yet mas bihainim wanem samting yupela i autim long en. Yupela olsem Maus bilong God, olsem na yupela mas tanim bel na kamap nupela olgeta de. Sapos yupela yet i no tanim bel, olsem wanem pipel bai

harim, bihainim na tanim bel?

Namba tu: Yupela autim Gut Nius long famili bilong yupela yet. Tingim gut. Yupela i mausman bilong God. Olsem na famili bilong yupela mas stap piksa na laip tru bilong Jisas Krais. Dispela em i bai helpim tru narapela manmeri long lukim Jisas insait long pasin na laip bilong famili bilong yupela. Sapos yupela stap olsem piksa tru bilong Jisas, pipel i no lukim yupela tasol i bai lukim Jisas.

Namba tri: Autim Gut Nius long lain, komyuniti na Peris bilong yupela. Sapos yu yet wantaim famili bilong yu i stap strong pinis na kamap olsem piksa bilong Jisas, nau yu ken go aut long lain, komyuniti na paris bilong yu. Insait long komyuniti i gat planti manmeri i no save klia

yet long Jisas, na sampela i stap longwe long Jisas (Lus Kristen). Em i wok bilong yu long bringim ol i kam bek long Jisas.

Bihain long homili, olgeta Katekis i mekim promis long God, Bisop, ol pater na ol manmeri i stap long dispela misa i olsem witnes bilong ol. Ol i mekim promis long holim wok bilong katekis, mekim gutpela wok, bihainim tok bilong Bisop bilong ol, na promis long sakrifaisim laip bilong ol long mekim wok bilong sios.

Meri bilong ol Katekis tu mekim promis long stap olsem gutpela meri bilong katekis (man bilong ol), na sapatim wok bilong man bilong ol.

Bihain long promis, bisop wantaim peris pris bilong wan wan katekis i givim blesim i go moa long pes 14

Senis bai kamap long Kristen Edukesen Progrem

KATOLIK Bisop Kon-taim Solomon Ailan prens bilong PNG wantaim Nesenel Kris-



• Sampela memba husat i stap insait long Komisen bilong Kristen Edukesen bilong ol haiskul. Long lephan i go long rait em (baksait) Pater Paul Jennings, Sista Ann Vonder Muelen, Pater Gunther Koller, (fran) Bruter Paul Passingen na Mista John Yakall.

ten Edukesen Kodineta (NCEC), Sista Marily Chall i painim olsem i gat as long senisim nau ol Kristen Edukesen progrem.

Dispela em ol progrem em ol tisa i save skulim ol studen long komyuniti, haiskul na nesenel haiskul.

Nupela progrem bai senisim "Katolik Skul Instraksen" o "Skul Katolik" bilong ol komyuniti skul na "Growing Up in Christ" bilong ol haiskul.

Long stat bilong 1992, i gat 6-pela praimeri na 5-pela sekenderi woksop i kamap aninit long lukaut bilong Sista Chall, NCEC. As bilong dispela woksop em long senisim Nesenel Edukesen sistem insait long kantri.



• Ol las katekis long greduet long Katekis Trening Senta.

**PLIS
RIPOT**



WEWAK: Wanpela memba bilong olpela Is Sepik provinsal gavman nau i stap long kot. Plis i bin sasim em long paulim mani bilong provinsal developmen fan. Nem bilong dispela memba em Petrus Wafi na em i bilong ples Arua long Kubalia. Wafi i bin kamap long kot long Tunde, 24 Novemba. Plis ripot i soim olsem Wafi i bin aplai long sampela mani aninit long provinsal developmen fan long helpim ol lain long ilekret bilong em husat i laik wokim ol liklik projek nabaut. Tasol taim memba i kisim mani, em i no givim long ol lain husat i bin aplai long ol projek. Em yet i kisim dispela mani na yusim long laik bilong em.

WEWAK: Plis i bin holim wanpela man long Tunde, 24 Novemba bihain long em i giamanim ol man olsem em i wanpela opisa bilong Paul Pora na Utula Samana. Plis i sasim em long stilim K7,300 bilong ol man taim em i giamanim ol. Plis ripot i soim dispela man olsem Simon Yana Dika, 30 krismas bilong ples Tikilu long Finsafen distrik, Morobe provins. Ripot i tok em i bin giaman olsem em i wanpela wokman bilong tupela olpela minista. Na giamanim tupela man long givim em sampela mani na taim tupela memba i go raun long Is Sepik long taim bilong ileksen, tupela bai givim sek long hamas mani ol i laik. Em i bin kisim K1,300 long wanpela man na K6,000 long arapela pastaim long ileksen long mun Jun. Dispela tupela man i bin ripot long plis taim tupela i painim olsem Simon i giamanim ol.

WEWAK: Plis i sasim pinis meri bilong wanpela soldia long Moem Bareks long stil. Plis i bin sasim Cathy Grangary bilong Woginara long Dagua long putim giaman mak long nem bilong narapela man. Cathy i bin kisim pasbuk bilong pikinini bilong em na senisim namba bilong mani i stap long akaunn. Cathy i bin senisim namba bilong mani na dispela i bin wokim em long rausim K500 long han bilong PNGBC long Moem Bareks ami bareks.

HAGEN: Hagen Distrik Kot long Mande i bin salim 4-pela yangpela man i go kalabus long wanpela yia. Bihain long kot i painim ol i rong long holim spakbrus ol i kolim kanabis. Kot i bin painim Robert Homiehombo, 18 krismas bilong Yangoru long Is Sepik provins na Simon Hul 20 krismas, Simeon Siba 19 na Tawo Owa, 29 krismas olgeta bilong Gumine insait long Simbu provins. Olgeta dispela lain i no wok, plis i bin holim ol long Novemba 9 na sasim ol long holim bikpela namba bilong kanabis. Plis ripot i tok olsem dispela 4-pela man i bin kisim kanabis na i laik go long olpela Kuk ti plentesen ausait long Hagen na plis i bin bungim ol. Kot inap long kalabusim ol long tupela yia tasol ol i bin tokaut stret long kot olsem na kot i rausim wanpela yia. Narapela tupela waitman husat i bin kamap long kot em Hayden Kent Langston, 30 krismas bilong Amerika na Ian Gregory, 39 krismas bilong Australia. Tupela wantaim i wok wantaim Hevilift Helikopta kampani long Hagen. Plis i bin painim bikpela namba bilong mariwana i stap long haus bilong ol. Narapela meri husat i bin kamap long kot long las wik Fraide em Wendy Benny Wilson bilong ples Wandu, klostu long Kundiawa long Simbu provins. Plis ripot i soim olsem em i bin go long TNT Air Kago long Me 27 na tokim ol wokman olsem em i laik salim sampela samting i go long tupela man long Australia. Tasol taim ol beg i kamap long Mosbi, ol lain long kastams i sekim na painim tupela kilogrem mariwana. Plis i bin holim Wilson long Jun 5. Man bilong em, Andrew Wilson i save wok wantaim Hagen Wreckers. Wilson i bilong Australia tasol em i marit long Simbu. Kot bilong ol bai kamap long narapela taim gen.

Nogat moa helt kea progrem long Wes Sepik

EDDIE YANAMBA i raitim

MEMBA bilong Balai Konstituensi insait long Sandaun provinsal asembli, Moses Nasam i tok tingting bilong stapim Praimeri Helt Kea progrem insait long Wes Sepik provins i nogat gutpela as. Bikos dispela i go bihain tru long ol wok developmen. Na wok rere bilong wanpela helt kea kos em ol bai holim long Wasisi Katolik Misin insait long Nuku distrik long mun Novemba i lus nating. Mista Nasam i mekim dispela toktok long

Trinde Novemba 11, bihain long ol bosman bilong Helt divisen i tokaut long stapim dispela progrem.

Memba i belhat stret long dispela muv. Bikos em yet i bin askim Helt divisen long ranim wanpela kos o skul bilong helt kea long helpim ol papamama na ol yangpela man-

meri insait long ol ples klostu long Wasisi na Nuku. Dispela askim i popaia.

Mista Nasam i tok Helt divisen i no givim gutpela bekim yet long wanem as na ol i stapim dispela gutpela nambawan progrem. Em i tok dispela progrem i givim gutpela helpim long ol pipel

long lukautim ol yet na komyuniti bilong ol.

Provinsal Minista bilong Helt, Jimmy Akuli i tokaut olsem em i no kisim wanpela bekim yet long dispela muv bilong divisen. Mista Akuli i tok em bai painimaut pastaim, na askim provinsal kabinet long larim progrem ya i go het.

Ol Pohu askim long kompensesen

OL papagraun bilong ples Pohu insait long Kamano konstituensi bilong Kainantu distrik, Isten Hailans provins i askim nau provinsal gavman long baim ol K300,000 kompensesen mani.

Dispela em long baim ol bagarap em i bin kamap long graun bilong ol, wantaim ol gaden kaikai, na ol kes krop. Bikos provinsal gavman i bin wokim wanpela rot i go namel long ples, tripela bikpela gaden kaikai, na 4-pela bikpela kopi blok.

Mista Siyo i tok planti gutpela diwai em ol wokman i bin katim taim wok painimaut na stadi i kamap. Na tu wok bilong testim graun i bin kamap long dispela 25 hekta graun, we provinsal gavman i bin makim long sanapim nupela haiskul.

Mista Siyo i tok ol papagraun i no amamas nau. Bikos Isten Hailans provinsal gavman i bin tokorait wan-

taim ol, na nau em i tanim baksait. Na i laik sanapim haiskul long narapela hap.

Mista Siyo i tok ol papagraun i no kisim sampela mani long ol bagarap i kamap long graun bilong ol. Ol i bin wet longpela taim tru. Olsem na ol i stretim tok pinis long kisim provinsal gavman i go long kot.

Provinsal gavman i makim graun em Onamuga haus lotu i stap long em long sanapim dispela nupela haiskul. Na makim K300,000 long statim olgeta wok long 1993.

Provinsal Edukesen minista, Andrew Korarome i tok Onamuga i stap long namel, na i tu i klostu long bikpela rot. Olsem na em bai i isi long Salvesen Ami misen na komyuniti skul.

Mista Korarome i tok graun long Pohu i stap longwe tumas insait long bus. Na dispela i ken kamapim sampela hevi olsem long Okapa haiskul.

Nesenel Kot bai harim tupela kot bilong kilim man long Madang

LAS wik Fonde Madang Distrik Kot i skruim tupela kot bilong kilim indai narapela man i go long Nesenel Kot.

Namba wan kot i bilong Francis Kuveu, husat i gat 20 krismas na i bilong ples Yabob ausait tasol long Madang taun. Kuveu i bin kamap long kot long sas bilong kilim Thomas Wasu bilong Lumi long Wes Sepik provins long Oktoba 2 long Madang yet.

Plis i sasim em long seksen 299 (1) a bilong PNG Kriminel Kot. John Damugu bilong

Bogia long Madang yet i bin kamap long kot long sas bilong kilim Paul Kupri long Jun 25, 1991. Mista Damugu i gat 25 krismas, na em i bilong Bogia long Madang provins yet.

Sinia Mejistret Cosmos Pidar i tokim Kuveu olsem: "Mi lukim long stori bilong yu, yu givim long plis wantaim stori bilong ol witnes na dokta na painim olsem i gat inap evidens, bilong skruim dispela kot i go long bikpela kot."

Em i skruim tok moa olsem ol distrik kot i no gat pawa long harim dispela kain kot.

PPC askim ol plisman long wok gut

SAPE METTA i raitim

PROVINSAL Plis Komanda bilong Isten Hailans, Sief Inspekta Buckley larume i askim nau ol plisman na meri long provins long wok gut, na no ken paul nabaut.

Sief Inspekta larume i givim tok lukaut long ol senis opisa bilong em long putim strongpela was long plisman na rleri long wanwan seksen bilong ol.

Em i givim dispela tok lukaut long wanpela spesel pered long Goroka.

Sief Inspekta larume i mekim dispela bikhain long sampela komplek i kam long pablik.

Sief Inspekta larume i tokaut long sampela plisman i tok baksait long bos bilong ol, ol plisman i no dres ap gut na kamap long wok, i no bihainim stretpela rot bilong wok, na wok long sait mani o helpim.

Mista larume i tok pasin bilong kaikai buai o spak na wok, na draivim ol pren raun long plis ka i mas stap.

Mista larume i tok ol pipel i tokim em long sampela pasin nogut em ol plisman i mekim. Na bai stapim dispela pasin em wanwan plisman tasol i mekim.

Johnson

OUTBOARDS

Rabaul Branch Special

- Fuel effective
- Reliable - Low maintenance
- Easy access to powerhead
- Forward neutral reverse gearbox
- Lightweight- easy to handle
- Twist grip throttle
- Twin cylinder engine

6 H.P. OUTBOARD MOTOR

Was K995.
NOW ONLY! K499

6 ONLY AVAILABLE AT THIS PRICE.

HEY TOBA

MOTORS

RABAU PH: 92 1866



• Ol wokmah i sekim ol pipia bilong wangepa tren, "Innsbruck-Copenhagen Express" em i bin pam long Novemba 15 Noteim, Jemani. Ripot i tok 11-pela pipel indai na 52 i kisim bagarap taim tren ya i pam wantaim narapela tren bilong karim ol kago.



• Ol Yunaitet Nesen soldia bilong kantri Jordan i pre klostu long Mouska, namel long Krosia na Sebia long Yugoslavia long las wik.

Woa long Sarajevo stap liklik

OL bikman bilong ami bilong Bosnia i bin bung long Mande Novemba 16 na toktok long tokorait bilong stapim pait, bihainim oda bilong Yunaitet Nesen.

Insait long dispela tokorait, Yunaitet Nesen i givim Sarajevo 5-pela de long stapim olgeta pait na kamapim gen gutpela sindaun. Tasol dispela tokorait i no karim kaikai.

Ol ami komanda bilong Muslim, Krosia na Sebia i bin stretim tok long stapim pait long namba tu wik bilong mun Novemba. Na bihain ol i bung gen wantaim ol mausman bilong Yunaitet Nesen long Sarajevo ples balus long mekim las tokorait. Komanda Barry Brewer, husat i makim Yunaitet Nesen i tok olsem.

I nogat save yet long olsem wanem na ol kibung bilong stapim pait i wok

long kamap gutpela nau. Bikos ol kibung bilong bipo i nosave kamap gut.

Tasol i gat ripot olsem ol lain husat i wok long lus long woa ya i giaman long stapim pait, na sem taim ol i stretim gut ol bagarap bilong ol na pait gen. Na pait i wok long go het yet.

Presiden Alija Izetbegovic bilong Bosnia i sutim tok long Yunaitet Nesen long lus tingting long kantri bilong em. Presiden Alija i no amas bikos Yunaitet Nesen i no rausim tambu long Bosnia i no ken baim o kisim saplai bilong gan na ol arapela pait saming long ausait.

"Yupela i lus tingting long mipela, tasol mipela i gat sapot," Mista Alija i tok. "Mipela bai kisim helpim long ol lain husat i redi long helpim mipela."

International Herald Tribune




• Ol man bilong Jojia i sanap na sindaun arere long wangepa ami tenka em ol i kisim long han bilong ol Abkhazian soldia, insait long Rasia. Ol Abkhazian i pait long bruk lusim Jojia n kamapim kantri bilong ol yet.



Ol kalabusman meri go fri • Dispela em moa long 700 manmeri bilong Krosia na ol Muslim husat i bin stap insait long Sebia haus kalabus. Ol soldia bilong Jordan i putim was long ol, taim ol i kam aut fri. Ol Jordan soldia i wok aninit long nem bilong Yunaitet Nesen long stapim pait long hap.

SCRATCH



'N' WIN!

**SPEND *K5.00
AT SHELL TODAY
AND WIN!**

SCRATCH 'N' WIN!

SCRATCH OUT ALL 3
SQUARES BELOW
SYMBOLS WIN!

Win FREE
K10 FUEL

Win
K10

OVER
200000
PRIZES TO BE
WON!



HILUX HERO



TOYOTA

OVER 200000 PRIZES TO BE WON!

- Win FREE FUEL
- Win FREE RIMULA X oil
- Win FREE 'COKE'
- Win FREE 'TWISTIES'

PLUS A CHANCE TO WIN A


TOYOTA HILUX HERO




FILL IN DETAILS ON BACK OF CARD & PUT IN ENTRY BIN TO
HAVE YOUR CHANCE OF WINNING A TOYOTA HILUX HERO.



AVAILABLE NOW AT ALL PARTICIPATING OUTLETS NATIONWIDE.



Pait stapim saplai bilong kaikai long Somalia • Meri Somalia i dai stret long kaikai. Em wetim kaikai long Baidoa senta we ol ami save tilim kaikai long ol manmeri na pikinini husat i kam long wanwan ples bilong ol. Tasol ol raskol i banisim nabaut rot na stapim saplai bilong kaikai long kamap long ol senta olsem long Baidoa.



• Presiden Bill Clinton long namel i wetim moning kaikai long Little Rock, Arkansas bihain long em i ran long moning long Sande Novemba 15. Clinton bai tekova long Wait Haus, opis bilong Amerika presiden long Janueri, 1993.



• Ol niusman long Amerika kisim kainkain kona na laik kisim poto long pusiket bilong Bill Clinton, nupela presiden bilong Amerika husat bai tekova long Wait Haus long Janueri, 1993. Ol niusman i laik kisim kain kain nius na sindaun na laip bilong nupela presiden, wantaim famili na ol samting bilong em.



• Meri Liberia wantaim gan bilong ami i pat long sait bilong Samuel K. Doe. Grup bilong em i joinim nau ol soldia bilong Wes Afrika na pait egens ol rebel paitman insait long kantri yet.



Liklik amamas i kamap long Sarajevo • Ol pikinini i pilai ol waitpela hap laplap long Fraide Novemba 13 long Sarajevo. Ol Bosnia i yusim dispela sans. Bihain Yunaitet Nesen i givim tok lukaut long Sebia long i no bihainim tokorait bilong stapim pait, na kamapim sampela trael long Maglaj, long not.

Foren Afeas makim ol nupela senia opisa

DIPATMEN bilong Foren Afeas i mekim ol nupela senia opisa insait long dipatmen bihainim wanpela senis i bin kamap long namba 22 de bilong mun Me, 1992.

Seketeri bilong Foren Afeas, Gabriel Dusava i toksave pinis long ol dispela posisen, na ol opisa ya i bin stat wok long namba 9 de bilong mun Novemba.

Seketeri Dusava i tok insait long 181 posisen, 115 posisen nau i stap long han bilong ol opisa we ol i makim pinis. Narapela 50 posisen ol bai tokaut long ol manmeri ausait long dipatmen long aplai.

"Olsem het bilong dipatmen, mi amamas tru long dispela. Dispela wok bilong mekim senis i stat long 1989. Na nau i kamap gut na mipela i gat ol opisa long ol stretpela posisen bilong ol long bisnis na diplomatik raun bilong mipela long ovasis," Mista Dusava i tok.

Mista Dusava i skruim tok olsem dispela nupela senis long dipatmen i stat long 1989 long bekim bilong foren polisi bilong ikonimik wok bung bilong Papua Niugini wantaim ol gavman na oge-naisesen bilong narapela kantri long kisim helpim.

Japan helpim Cheshire Hom wantaim K20,000

GAVMAN bilong Japan i bin sainim K20,000, kontrak i go long Cheshire Hom long Mosbi bilong wokim wanpela haus slip bilong ol lain husat i stap long hap. Embesida bilong Japan, Tadashi Masui na tupela mausman bilong Cheshire Hom, Brata Lyal Forde na Carol Taylor i bin sainim dispela kontrak long Fraide Novemba 20, 1992.

Dispela K20,000 em gavman bilong Japan i givim bai helpim long wokim wanpela haus slip bilong ol lain long Cheshire Hom. Dispela haus slip bai i gat 8-pela rum bilong ol lain husat i gat bagarap long bodi bilong ol long stap na slip.

Ol lain bilong Cheshire Hom i bin askim Embasida long helpim ol. Opis bilong

Japan Embasi i luk-save long askim bilong ol, na na tokorait long givim K20,000.

Japan Embasi i lukim olsem Cheshire Hom i wokim bikpela wok tru long helpim ol lain husat i gat bagarap long bodi. Na ol mas i gat gutpela haus bikos nau yet olupela haus slip bilong ol i bagarap.

Dispela helpim mani i kam aninit long Smol Skel Gren Aid Program, em gavman bilong Japan i save givim long helpim na kamapim ol liklik projek insait long Papua Niugini.

Cheshire Hom i tingting long wokim 4-pela nupela haus long senisim olupela haus ol i gat, na wokim şampela nupela haus gen. Na ol i laikim samting olsem K350,000. Nau yet planti komyuniti grup i givim helpim pinis.

Plen bilong stretim wara saplai long Goroka bai stap

PLEN bilong Isten Hailans Kapitel Atoriti (EHCA) long stretim wara saplai bilong olgeta manmeri long Goroka taun bai i stap sapos Nesanel Wota Bod i kisim wok bilong lukautim wara long han bilong EHCA.

Tingting bilong Nesanel Wota Bod long kisim wok bilong lukautim wara long han bilong EHCA i stap insait long ikonimik na developmen polisi long baset bilong 1993.

Praim Minista Paias Wingti i laikim wota bod long kisim na ranim olgeta wara saplai stat long 1993. Long

wanem em i laikim wota bod i mas ranim olgeta wara saplai olsem wota distrik aninit long wanpela sistem ol i kolim komesel set ap.

Wara saplai insait long Goroka taun em i wanpela bikpela rot we Goroka kaunsil i save kisim mani bilong em.

Wota Bod i tok em bai wok long lukim olsem ol manmeri i yusim gut wara, em bai kisim moa mani na ol narapela samting.

Wota Bod i tok olsem ol liklik taun i no inap long ranim gut wara saplai sistem bilong ol.

"Mi bilip olsem dispela dipatmen wantaim ol raun bilong em long ovasis i bihainim gut ol toktok na plen bilong gavman. Na dispela nupela senis bai i helpim ol long wok gut, na helpim developmen bilong kantri," Dusava i tok.

"Mipela bai sindaun gut moa long dispela posisen taim nupela gavman i tokaut long ol foren polisi na plen bilong em," em i tok.

Seketeri Dusava i tok dispela nupela senis i kamapim tupela posisen bilong namba tu seketeri bilong polisi na operesin. Namba tu seketeri bilong polisi bai was long Bailaterel na Maltilaterel Afeas divisen. Na tu long ol ovasis misin na arapela polisi we i stap insait long dispela divisen.

Namba tu seketeri bilong operesin bai lukluk long wok bilong Pesenel na Edministresin, Protokol, Imigresen na Sitisensip divisen wantaim ovasis misin.

Wes Sepik egens bil bilong bringim bek EDF

PLANTI pipel insait long biktaun bilong Wes Sepik, Vanimo i egens bil bilong Sir Pita Lus long bringim bek llektorel Developmen Fan (EDF), na apim mani bilong dispela fan i go antap long K1 milien.

Dispela fan i bin stap long bipo yet we wanwan 109 memba long palamen i save kisim K100,000. Na helpim ol pipel long wanwan llektorel long wanem kain wok ol i laik kamapim. Tasol 1993 baset bilong Wingti gavman i no makim mani bilong dispela fan. Dispela i min olsem keninet i rausim dispela fan, na yusim dispela K109,000,000 long ol arapela wok.

Tupela wik i go pinis Sir Pita i egens dispela mov. Na tokaut long dispela bil long palamen, we planti memba i sapotim em.

Sir Pita i tok ol bisnis beng i gat strongpela lo tumas we planti pipel i painim hat long kisim dinau. Olsem

na gavman i mas bringim bek dispela fan wantaim moa mani, bai ol i ken helpim gut ol pipel.

Tasol ol pipel long Vanimo i tok dispela K100,000 wanwan memba i bin kisim em planti mani tumas. Na mani ya i no save go long stretpela rot, na kamapim gutpela sindaun na laip bilong ol pipel.

Provinsal Memba bilong Palai konstituensi i tok kraik bilong Sir Pita i kamapim pinis wanpela kain sik long long long planti pipel. Na dispela bai mekim ol yangpela manmeri long rot long kamapim moa bikhet pasin.

"Mi laik makim maus bilong ol pipel long Wes Sepik olsem bil bilong Sir Pita i no gat gutpela as," em i tok.

Provinsal Minista bilong Fainens, Moses Nasam i tok planti nesanel memba i bin paulim nabaut ol mani bilong dispela fan. Sampela i kamap ples kliia na planti i stap hait yet.

Yes! GOOD YEAR radials cut running costs!

Teio Ila (seen here with Boroko Motors Goodyear Port Moresby Manager Ola Ila) is a Commercial Fisherman from Hood Lagoon who has proved the value of Goodyear Radials.

"With frequent trips between Hood Lagoon and Port Moresby I do a lot of tough miles in my 4WD NISSAN and the tyres take a real beating.

A set of standard cross ply nylon tyres used to last me only 17,000 kilometres.

Now with Goodyear radials, I have already done over 25,000 kilometres and they're still only half worn!

That's a big saving on running costs "Thanks to Goodyear".



GOOD YEAR
G.33 RADIALS available from

BOROKO MOTORS
THE GOOD GUYS FOR BEST BUYS

PORT MORESBY: 255255 LAE: 421144 RABAUL: 922777 KIMBE: 935566 MADANG: 822433 MT. HAGEN: 521433 HIGATURU: 297175

No ken harim gris bilong ol giaman lotu

Dia Edita,
Mi laik komplem long ol wokman bilong *Post Courier* niuspepa.

tru long Rabaul.
Long Fonde, Oktoba 29, olgeta wokboi bilong plentesen i lusim wok na go bung long hap we SDA haus lotu i stap long en. Mi yet bin go na lukim ol man i mekim save long kra

na singaut strong tru. Tasol Jisas i no bin kam.

Olsem na mi laik tokim yupela ol pipel. Noken harim gris bilong ol giaman lotu. Em tasol.

Jeffrey Kamia RABAU

Bikhet pasin long Is Sepik i no rong bilong ol lida na sios

Dia Edita,

Mi laik bekim pas bilong brata Timothy Maiundi. Pas bilong em i bin kamap long *Wantok Niuspepa* long Fonde, Oktoba 29, 1992.

Brata Timothy i komplem long pasin nogut i kamap long Is Sepik provins. Em i tok ol bikman bilong provins i no wokim wanpela samting long stapim. Em i komplem tu long ol wokman bilong misin. Em i tok ol i no save autim tok bilong God long helpim ol man long senisim pasin nogut.

Long bekim komplem bilong Timothy mi laik tok olsem ol bikman long provins i save wokim olgeta samting long traim pinisim dispela hevi. Planti taim ol i save traim long stapim raskol pasin tasol ol i no inap. Long wanem bikhet pasin i no save

kamap long Wewak tasol. Planti hap bilong kantri i bungim dispela kain hevi. Olsem na brata ya Timothy no ken bagarapim ol lida bilong Is Sepik tasol.

Narapela komplem bilong Timothy em long ol wokman bilong sios. Em i tok ol i no save autim tok bilong God long ol pipel. Tasol mi ken tok stret olsem ol wokman i save wokim wok. Tasol ol pipel yet i no harim tok.

Wokman bilong sios i no inap senisim laip o pasin bilong wanpela man. Yu wanwan manmeri yet mas senisim pasin bilong yu na bihainim pasin God i laikim.

Mi askim nau Timothy long stap isi na skelim ol samting pastaim long em autim wari bilong em long niuspepa.

Pius Saun KIMBE

Lusim tingting long ol meri

Dia Edita,

Mi laik komplem long ol yangpela man bilong Papua Niugini husat i save komplem tumas long ol meri.

Planti taim mi save ritim long *Wantok Niuspepa* na mi save lukim pas bilong ol man i

komplem long ol meri. Planti pas bilong ol i save komplem long ol meri i putim trausis.

Het bilong mi i pen pinis long lukim ol dispela komplem. Traim na raitim ol gutpela pas na maski long komplem long ol meri. Yupela save pasim ples bilong

ol gutpela lain wantaim ol gutpela tingting.

Ol meri i stap na yumi stap olsem na lus tingting long komplem. Nogut yu komplem i go na kilim yu yet.

Joe A. Pass LAE

Larim Bogenvil kisim independens

Dia Edita,

Planti taim mi save harim stori bilong trabel i kamap long Bogenvil na mi save wari tru.

Ol ami bilong Papua Niugini i go na pait wantaim ol lain bilong ples. Na planti manmeri bilong ples i no kisim gutpela sevis. Sampela ami na plis tu i kisim bagarap pinis.

Ol Bogenvil i tingting long bruk lusim PNG na mi amamas long tingting bilong ol. Bikos nau yet mi lukim planti ol paul pasin ol lida bilong

kantri i wokim. Gavman nau i no lukluk long helpim ol pipel. Gavman i tingting tasol long kisim ol man bilong arapela kantri long kam wok.

I luk olsem gavman i laik salim ol pipel i go long ol arapela kantri. Gavman i save lus tingting long helpim ol pipel na stretim hevi bilong ol.

Olsem na mi sapotim ol lain bilong Bogenvil long bruk lusim PNG na wokim samting long laik bilong ol yet.

Qelaeng Guru MADANG.

Gavman i no helpim ol misin

Dia Edita,

Mi laik komplem long gavman bilong yumi long Papua Niugini.

Olsem wanem na gavman i no save helpim ol misin insait

long kantri? Bikos ol misin i save helpim gavman. Long 1992 Evanjelis pasto Charles Lapa i bin autim tok long Kimbe.

Na planti ol raskol i bin givim ol yet i go

long plis. God i save givim wok helpim aninit long ol gavman. Tasol gavman i no save helpim ol misin bilong yumi insait long kantri.

Mi laik tokim yupela olsem God em i no

Maski long paulim ol yangpela tisa man

Dia Edita,

Mi gat likik wari long autim long ol meri Gabensis insait long Lae, Morobe provins.

Mi no save amamas long pasin ol meri long dispela hap i save wokim taim ol yangpela tisa man i go tis long Gabensis. Dispela ol meri i save paul wantaim ol tisa. Na ol papamama bilong ol i save kros na pait wantaim ol tisa.

Dispela pasin tasol i save wokim na ol tisa i lusim skul na go long ples. Planti bilong ol i save stap wan o tupela mun tasol long skul na ol papamama

i save rausim ol.

Mi askim yupela ol yangpela meri long stap isi na maski long paulim ol tisa. Ol i kam long skulim ol manki na maski long bagarapim wok bilong ol.

Traim na yusim het bilong yupel. Bikos taim ol tisa i lusim skul ol skul manki i no save skul gut. Yupela mas sori long sampela ol brata na susa bilong yupela husat i stap long Gabensis komyuniti skul. Yupela inap bagarapim skul bilong ol sapos no gat tisa i stap long skulim ol.

Subul Sam LAE.

Maski apim nating nem bilong memba

Dia Edita,

Mi laik bekim pas bilong Michael Rombu. Pas bilong em i bin kamap long Novemba 5, 1992. Michael i tok memba bilong Nipa Kutubu i gutpela man na em i wokim gutpela wok.


Tasol mi no lukim wanpela samting memba i wokim. Dispela memba i no gutpela bikos em i no save helpim ol pipel. Stat long 1987 i kam inap long dispela yia, mi no lukim em i helpim ol pipel. Em i save helpim ol lain

bilong em tasol. Na Michael i tok em i save helpim olgeta pipel.

Brata Michael i mas ai pas na em i no lukim ol samting i save kamap. Olsem na em i tok memba i wokim planti samting.

Long taim bilong ileksen em i grisim ol man long kisim vot tasol. Ating Michael i mas wanpela bilong ol lain husat memba i grisim na yu tok em i gutpela lida.

Barn Peren KOKOPO



No ken sutim nating tok long ol Nipa pipel

Dia Edita,

Mi laik bekim pas bilong G. Naiko na Gore Kambwum em i bin kamap long *Wantok Niuspepa* long Julai 23, na Oktoba 8, 1992.

Tupela i tok ol pipel bilong Nipa long Sauten Hailens i no save wokim famili plening. Ol i save slip tumas wantaim ol meri na karim pikinini klostu klostu.

Mi laik askim tupela olsem, "Tupela i no sem na wokim dispela kain toktok?" Ating

Tobias Kepas KIMBE

tupela laik so op long gutpela nem bilong tupela na putim long niuspepa. Mi ken tok olsem dispela nem tupela i putim long pepa i no nem tru bilong tupela.

Hamas pikinini bilong ol Nipa tupela i lukautim long haus bilong tupela? Hamas man na meri bilong Nipa i kam long haus bilong tupela

na askim long mani? Sapos tupela i no lukautim ol manki Nipa na tupela i no givim mani long ol, mi askim tupela long pasim maus na stap isi. Tupela i no save baim kaikai na klos na givim ol. Ol i stap long strong bilong ol yet.

Naep Sap Sumbao NIPA Sauten Hailans

Tok bilong God i no olsem kaukau orais

Dia Edita,

Mi laik bekim pas bilong brata Timothy Maiundi i bin kamap long *Wantok Niuspepa* long Oktoba 26.

Pas bilong em i tok asua i stap long ol wokman bilong sios husat i no autim gutnius stret. Olsem na bikhet pasin i wok long kamap bikpela insait long kantri bilong yumi.

Mi laik tok olsem brata na Timothy i gat rong tingting. Tok bilong God i no olsem kaukau o rais

na ol waitman bai putim i go insait long maus bilong ol manmeri.

Tok i stap long Baibel na ol i autim stret. Na sapos yu laik harim na bihainim stret, em laik bilong yu. Sapos yu les, em laik bilong yu. Noken sutim tok long ol wokman bilong God. Mi yangpela mangi tasol mi laik mekim wok bilong God.

Bembu Maka KIMBE

Dia Edita,
Mi bilong Hoskins. Na mi laik bekim pas bilong Namba Mulipisa i bin kamap long *Wantok Niuspepa* long Novemba 5.

Em i bin tok olsem em i les pinis long harim komplem bilong ol asples manmeri long

Hoskins long rausim ol man bilong arapela hap i go bek long ples bilong ol. Mi laik tokim brata Yamba olsem mipela i no komplem nating.

Em i no ples bilong yupela. Tasol yupela save spak na mekim nabaut long taun bilong mipela. Sapos yu lusim

ples na kam long narapela hap, yu mas stap isi na wokim wok bilong yu.

Mipela nogat kros long yu kam long stap long taun bilong mipela na klinim. Yu go het long wok, trangu.

Tulvik Dome HOSKINS

Toktok bilong God i no bilong kros pait

Dia Edita,

Mi laik komplem long ol wokman bilong *Post Courier* niuspepa.

Long Mande, Oktoba 26, mi bin ritim wanpela nius i tok olsem Jisas bai kam bek. Na dispela tok i bin bikpela tru long Rabaul.

Long Fonde, Oktoba 29, olgeta wokboi bilong plentesen i lusim wok na go bung long hap we SDA haus lotu i stap long en. Mi yet bin go na lukim ol man i mekim save long kra na singaut strong tru. Tasol Jisas i no bin kam.

Olsem na mi laik tokim yupela ol pipel. Noken harim gris bilong ol giaman lotu. Em tasol.

Jeffrey Kamia RABAU

Maski bagarapim ol Sepik nating

Dia Edita
Mi laik bekim pas bilong Yaltisa Goma bilong Simbu provins. Long pas bilong em we i bin kamap long *Wantok Niuspepa*, em i bin tok olsem ol Sepik i save pulap tru long sip. Mi no amamas long dispela toktok we Yalti-

sa i mekim long pas bilong em. Long wanem em i bagarapim nem bilong mipela ol Sepik. Bikos sampela ol Sepik em ol lain bilong i go i kam long sip. Na mipela sampela Sepik no gat. Olsem na mi laik tok olsem ating Yaltisa i no

gat tingting na i mekim dispela hap. Wanpela askim bilong mi long Yaltisa i go olsem. Ol Hailens i save bringim turis o ol Sepik i save bringim turis i kam long Papua Niugini?

Gaius Massil
Yawasoro Kompaun
WEWAK

Wok politik i no bilong kros pait

Dia Edita

Mi no amamas long pasin we ol sapota bilong Jastis minista Philemon Embel na Mongopiri Suim husat i lus long nesenel ileksen long dispela yia i wok long mekim.

Mi harim olsem ol lain bilong Mongopiri Suim i wok long blokim rot long wara Kombu na i go long rot bung long Tegel na bagarapim ol lain bilong Philemon Embel.

Olsem na mi laik askim ol sapota bilong mista Mongopiri long stapim dispela pasin we ol i wok long mekim long lain bilong mista Embel. Long

wanem ol sapota bilong Embel i no ol narapela lain.

Politiks em i no wanpela samting bilong kros na pait. No gat. Olsem na maski long kros pait. Em i moa gutpela long stap isi na wokbung wantaim mista Embel na developim eria bilong yupela. Pasin bilong kros na pait bai i no inap tru long bringim wanpela gavman sevis i go insait long eria bilong yupela.

Job Vita Gene
P O Box 1846
RABAU

Bikhet pasin bikpela long Wewak

Dia Edita

Mi save lukim olsem i gat bikpela bikhet pasin i save kamap long Wewak taun. Ol bikhet man na mangi i save stilim ol samting long stua na pait nambaut insait long taun.

Dispela kain pasin i no gutpela. Long wanem dispela i save bagarapim wokabout bilong ol manmeri long ples husat i save kam raun long taun.

Narapela samting i olsem ol raskol i save hensapim ol PMV ka long Sepik haiwe na stilim samting bilong ol manmeri. I luk olsem ol Sepik ol as tru bilong raskol pasin insait long Papua Niugini. Bikos long olgeta

hap long PNG ol Sepik i stap. Na bikhet bilong ol i moa moa yet.

Olsem na lo na oda hevi long Wewak i kamap bikpela bikos ol Sepik i save bik het tumas. Long wanem ol Sepik i save tok olsem olgeta man Sepik em ol ain man. Olsem na ol plisman long long Wewak i save pret liklik long mekim wanpela samting taim trabel i kamap. Dispela i mekim na ol plisman i go slek olgeta. Na tu sampela plisman i save helpim ol raskol man long pasin bilong stil. Wok bilong ol plisman long Wewak em long raun na painim meri.

Derek Salle
Dagua
WEWAK

Moa plisman bai daunim lo na oda long Wewak

Dia Edita

Mi laik bekim pas bilong Is sepik provinsal plis komanda John Wakon. Pas bilong mista Wakon i bin kamap long *Wantok Niuspepa* long Julai 5.

Mista Wakon long pas bilong em i bin tok olsem raskol pasin long Wewak i wok long kamap bikpela. Na i no gat inap ol plisman long mekim

wok long stapim dispela hevi.

Mi laik tok olsem mista Wakon em i wanpela plisman na em yet i gat save. Sapos em i sot long plisman na bilong wanem na em i no laik tokim bos bilong em plis komisina na tupela i kisim ol gret 6, 8, 10 na 12 husat i lusim skul na i wok long stap raun nating long taun na ples. Kisim ol na trenim ol na ol i ken mekim wok long daunim hevi bilong lo na oda.

No gat wanpela gutpela samting bai i kamap sapos mipela i sindaun tasol na toktok. Sapos yumi sanap long tupela lek bilong mipela na toktok orait samting we yumi toktok long en bai karim kaikai.

Olsem na sapos i gat planti plisman long Wewak i luk olsem no gat planti trabel bai kamap

Douglas Asuai
LAE

Rausim ol Hailans long Wewak

Dia Edita

Mi laik autim liklik wari bilong mi. Wari bilong mi i go olsem. Ating i luk olsem ol plis na sekyuriti long Wewak taun i mas rausim ol Hailens i go bek long ples bilong ol.

Bikos ol Hailens i stap na Wewak taun i bagarap. Dispela lain ya i save baim buai wantaim beg. Olsem na ol manmeri long Wewak i no amamas tumas long ol Hailens.

Ol wokman bilong Wewak taun maket i mas wok strong na lukim olsem ol Hailens i no ken baim buai wantaim bek.

Bai i moa gutpela long rausim dispela ol lain i go bek long ples bilong na ol i ken wokim gaden long ples bilong ol na plantim sampela buai bilong ol yet.

Benson Are
Siau Lokel Koles
WEWAK

Ol manki Sepik i no save supim het long ol meri

Dia Edita

Mi laik bekim pas bilong brata ya Noah Timothy. Pas bilong em i bin kamap long *Wantok Niuspepa* long Ogas 20.

Long pas bilong em, Noah i bin tok olsem ol mangi Sepik i save supim het long ol yangpela meri.

Mi yet olsem wanpela mangi Sepik husat i stap long Rabaul mi no amamas long dispela toktok bilong Noah. Mi laik tok olsem ol mangi Sepik i no save save supim het long ol yangpela meri. Samting tru em i olsem ol yangpela meri i save supim het long ol mangi Sepik.

I luk olsem brata ya Noah i mas gat sampela kain sik long het bilong em na em i mekim dispela tok-tok. Ol mangi sepik em ol das mangi ya. Taim wanpela mangi Sepik i askim laik long wanpela yangpela meri na em i tok no gat, mangi Sepik i no save belhat na supim het long dispela meri. Long wanem ol mangi Sepik i no save wari long ol meri.

Ating Noah i mas jeles liklik long ol mangi Sepik na em i tok ol mangi Sepik i save supim het long ol yangpela meri. Ol mangi PS em ol stail mangi ya.

Judeyd Hombi
P O Box 2074
RABAU



Institut bilong helpim ol skul liva

Dia Edita

Mi wanpela manki long Simbu provins. Mi laik statim wanpela samting we i ken helpim ol yut, skul dropout na papamama insait long ol ples long Simbu provins. Mi gat strongpela tingting long helpim ol. Tasol ol tu i mas sapatim mi. Mi laik helpim ol papamama we pikinini bilong ol i lusim skul na i no inap long painim wok o skul i moa yet. Olsem na mi laik statim wanpela asosiesen ol i kolim "Institut bilong ol Skul Liva. Dispela institut i gat 4-pela kain rot bilong givim helpim i go long ol skul liva.

1. Liklik bisnis benefit skim
2. Skul i go moa benefit skim
3. Pe bilong marit benefit skim
4. Dai benefit skim

As tingting mi gat long statim dispela institut em long helpim ol skul liva husat i wok long raun nating long taun na long ples. Na i save mekim ol raskol pasin. Dispela bai i helpim ol long stap gut long ples na wokim ol kain liklik bisnis olsem tred stua, lukautim kakaruk na pik na sampela narapela projek bilong mekim mani bilong ol yet. Na ol i ken yusim dispela mani long skul i go moa yet o statim wanem kain ol bisnis we ol i gat laik long en.

Plantim taim ol papamama husat i gat ol pikinini man i save painim hat long baim meri bilong ol. Olsem na dispela institut we mi laik statim bai

helpim ol papamama husat i gat pikinini man long baim meri bilong ol taim ol i marit. Wankain tu i go long ol manmeri husat i save painim hevi long taim wanpisin bilong ol i dai. Dispela institut bai traim long helpim ol long stretim hevi bilong ol.

Mi askim nau ol lida bilong gavman long Simbu, ol yut lida, vilis lida, papamama na ol skul liva long autim tingting bilong ol long dispela institut we mi gat laik long statim.

Togoba Dastu
SIMBU

1993 baset i gutpela tru

Dia Edita,

Mi laik toktok long nupela 1993 baset bilong Wingti gavman. Dispela baset i gutpela tru long helpim ol grasrut manmeri bilong Papua Niugini.

Mipela ol grasrut i no inap long baim bikpela takis nau.

Tasol wanpela samting em gavman i mas lukluk long daunim kos bilong baim balus. Nau yet Air Niugini i sasim bikpela mani tru long baim tiket.

Mekim na mipela i save painim hat taim stret. Toktok long baset, mi laik tok baset i gutpela tasol i gat sampela bekim bilong en we i gutpela na i no gutpela.

John Siko MOSBI



Salim ol hevi na war bilong yu i kam long LAIPLAIN, P.O.Box 6047, Boroko. Yu ken ringim mipela tu long telepon namba 26 0011. Mipela i no inap autim trupela nem bilong yu long hia.

Ol meri Sepik long Kimbe save paul tumas

Dia Edita

Mi laik sapatim pas bilong brata ya Ray Bads. Pas blong em i bin kamap long *Wantok Niuspepa* long Septemba 3.

Long pas bilong em, Bads i bin tok olsem ol meri Sepik husat i stap long Kimbe i save mekim planti pasin pamuk tumas. Na taim ol i save karim pikinini ol i save kisim i go na givim long papamama bilong ol. Dispela i save givim bikpela hatwok i go long ol papamama.

Mi laik tok olsem dispela kain pasin i no gutpela tumas. Bai i moa gutpela sapos ol i stap gut wantaim

papamama na maritim man long ples bilong ol.

Ol dispela meri i mas save olsem planti ol man i save giaman tasol long prenim ol meri. Na taim ol i karim pikinini ol i save lusim ol na go painim narapela gen long prenim.

Bikos long dispela as na mi laik tok olsem yu husat meri Sepik i stap long Kimbe. plis tru yu i mas lukluk gut na maritim wanpela man husat bai lukautim yu na ol pikinini.

Jacob Wapi
AOG Misin Wingei
Maprik
WEWAK

Fiji bai gat opis nau long PNG **Kainantu laikim taun atoriti**

WINIS MAP i raitim

Fiji long namba wan taim bai i gat wanpela Embasida i stap long Mosbi.

Long bipo, Fiji i gat Embasida long Papua Niugini, tasol ol i no save stap long kantri. Ol i save stap ausait long kantri na wok.

Fiji i bin gat 4-pela Embasidia long bipo tasol ol dispela Embasida i save stap ausait long kantri.

Tasol nau ol i gat wanpela Embasida husat bai stap long Mosbi na

wokim wok.

Nem bilong dispela Embasida em Peni Waqanicakau. Mista Waqanicakau i bin kamap long Mosbi long Mande 24, Novemba wantaim meri na tupela pikinini bilong em. Namba tu seketeri bilong Foren Afeas, Mista Maimu Raka-Nou i bin go bungim ol long ples balus.

Pastaim long em i kisim wok olsem Embasida, mista Waqanicakau i bin wok olsem namba tu seketeri bilong Foren Afeas long Fiji.

Kam bilong Mista Waqanicakau olsem Embasida long PNG i bihainim wanpela tokorait gavman bilong Fiji na PNG i bin wokim.

SAPE METTA I raitim

KAINANTU Taun Kaunsil i laik kamap olsem wanpela taun atoriti.

Long wanem planti taim ol pipel i save komplem long kaunsil, na ol i no save klinim taun.

Olsem na ol i givim wanpela askim pas i go long Isten Hailans provinsal gavman long ol samting ol i laik mekim, na kisim mani bilong wok insait long Kainantu.

Presiden bilong Kaunsil, Akila Iniviko i no amamas long tingting bilong provinsal gavman long skruim taim bilong holim ol kaunsil ileksen.

Mista Iniviko i tok Kainantu Kaunsil inap kisim K200,000 long ol sevis em i givim long taun. Tasol planti mani bilong baim haus na graun na ol arapela sevis i wok long lus nating.

Em i tok kaunsil inap long kisim K80,000 long fi bilong kisim pipia, K60,000 olsem pe bilong wara, na narapela K60,000 long takis bilong graun. Tasol dispela ol samting i no inap kamap inap provinsal gavman i luksave long ol, na oraitim ol long kamap olsem wanpela taun atoriti.

Dispela K40,000 nesenel gavman i givim olsem taun sevis gren i bin go long mekim ol narapela wok. Na dispela em long wokim STD klinik, bokis ais bilong putim ol daiman, na nupela wod long Kainantu haus sik.

Kaunsil i bin wokim tu tripela liklik klinik, tripela edpos na tripela komyuniti skul wantaim K77,000 ol i kisim aninit long mani plen bilong rural impruvmen program.

Mista Iniviko i askim ol bisnisman na komyuniti lida long helpim kaunsil long toktok strong long wokim Kainantu i kamap olsem wanpela taun atoriti. Bikos dispela bai helpim ol long ranim wok bilong ol, na kamapim Kainantu taun.



Kisim gutpela sindaun long pikinini bilong yu

Yu save lukautim gut pikinini bilong yu. Nau yu mas tingting tu long givim gutpela sindaun long pikinini long bihain taim.

Olsem yu mas opim pasbuk akaur wan aim Nambawan

Haus Moni bilong yumi. Stat nau long sevim moni long

peim skul fi, baim ol buk bilong skul na givim gutpela sindaun long pikinini nau bai em i kamap strong.

Askim nau ol wokmanmeri long PNGBC long opim wanpela pasbuk akaun na ol arapela sevis em yu laikim.

Mipela ken halivim famili bilong yu kisim gutpela sindaun long bihain taim... emi tru!

Las greduesen bilong CTC

i kam long pes 6 long katekis na meri bilong ol. Long dispela taim tu, ol katekis i kisim setifiket, Baibel na Kruse bilong Jisas. Meri bilong ol i kisim korona na piksa bilong Santu Maria.

Stori bilong CTC

Pater Casimier Niesgoda SVD, wanpela pater bilong Poland i bin wok long Papua Niugini inap 25 yia i go pinis. Nau em i stap yet na lukautim tripela peris, Pompabus, Pumakos na Maramuni insait long Wabeg Daiosis. Em i tu Siaman bilong CTC Board. Em i givim liklik stori bilong CTC bihain long misa bilong las greduesen.


Dispela aidia bilong givim trenim long ol katekis i kamap pastaim long tingting bilong Pater Benn Kuhnert SVD, wanpela pater bilong Jemani, bipo i stap wok long Wabeg Daiosis, tasol nau em i go pinis long kantri bilong em yet.

Long 1969, Pater Benn i kisim dispela aidia, bihain em i serim dan diskas wantaim narapela pater olsem Pater Casimier Niesgoda SVD, Pater Gery Thais SVD, Pater Hermann Raich SVD (Nau em i Bisop bilong Wabeg Daiosis), na Pater Malachi, wanpela pater bilong lain Kapuchin, nau em i wok long Mendi Daiosis. Diskas bilong ol i no lus nating. Long Janueri 1970, skul bilong Katekis i kamap long Kepiliam, wanpela aut stesin insait long Wanepap peris long Wabeg Daiosis. I no gat gutpela wokman bilong ol tisa. Sampela pater i sakrifaisim wok bilong ol, kam givim kos na trenim olsem nau. Tasol i go inap long tu 0 tripela mun pela mun, ol katekis i kam kisim trenim na bihain ol i go bek long peris mekim wok. Bihain long 2-3 mun tu. Dispela sistem i stap inap long 1973.

Long 1974, skul i kamap bikpela moa. Ol i lusim sistem bipo na ol i mekim trenim long tripela yia inap nau. Namba wan yia katekis i kam long skul. Namba tu yia ol i go bek long peris na mekim wok pastorel. Bihain long pastorel yia, ol i go bek long skul, skul long namba tri yia na greduet.

Stat long yia 1974 tu, ol i gat gutpela wokman bilong tisa long CTC. Ples bilong skul tu i bin transferim i go long Tsak Pumakos. Ol Mercy Sista i lusim wok long Praimari Skul na kamap tisa long CTC. Sampela voluntia bilong Australia tu mekim wok tisa bilong CTC. Na Pater Benn Kuhnert SVD stap olsem Direkta bilong CTC.

Sista Jenny SRM (Wanpela Mercy Sista) i joinim ol tisa bilong CTC long 1974. Bihain em i kamap Direkta bilong CTC inap long 1992, tim ol i pasim CTC. Olsem na em i kamap olsem mama tru bilong CTC. Long 1991, bikpela pait i stap long Pumakos. Ol katekis i bin kam long Pumakos, tasol pait i pretim ol tumas, na ol i no inap stap gut long lainim sampela samting. Ol bisop bilong Hailans i oferim sampela ples olsem, Kamaliki, Kainantu, Ulga na Wanepap. Las tokorait em Wanepap. Olsem na long 1991 i kam inap long 1992, CTC i stap long Wanepap. Kirap long Wanepap, pinis tu long Wanepap (Mama i karim em long Wanepap, em tu dai long Wanepap). Long greduesen de, Long dispela de tu ol i pasim CTC. I no gat nek yia. Gutbai CTC. Mipela i sori long yu.



WANTOK

BISNIS LONG PAPUA NIUGINI

WANTOK

Nogat maket bilong salim timba

EDDIE SAUNDERS i raitim

PLANTI timba i sting nating long Is Sepik provins. Bikos i nogat maket o ples bilong salim ol dispela timba.

Presiden bilong Is Sepik Nesenel Bisnis Asosiesen (ESNBA), Dokta M. Manwau wantaim seketeri Boniface Manwau i tokaut long dispela hevi. Dispela em long bikpela kibung bilong Papua Niugini Nesenel Bisnis Asosiesen, em i bin kamap long Mosbi long makim ol namba wan eksekutiv bilong asosiesen.

Tupela bikman tokaut long kibung olsem i gat sampela man insait long provins i ranim ol wokabout somil na katim timba. Tasol ol i no painim maket long salim timba bilong ol.

Nau yet ESNBA i tingting strong long karimaut bikpela kempen wantaim ol susa asosiesen long ol arapela provins long stretim dispela hevi. Na bai Is Sepik i

ken salim timba i go long ol arapela provins.

Dispela tingting i ken bringim gutpela helpim long tupela sait wantaim. Na tu helpim ol pipel long kisim mani long timba bilong ol.

Mista Manwan na Amau i tok ol pipel i katim nating, na wetim ol pipel long go baim, tasol nogat. Ol man nating long ples i no save baim timba long wokim haus.

Wanwan manmeri tasol save baim timba. Olsem na ol lain husat i baim wokabout somil long katim timba i no kisim mani yet.

ESNBA i bin kibung long dispela, na bringim i kamap long kibung bilong mama bodi, PNGNBA na Smol Bisnis Developmen Koperesen. As bilong dispela em long painim sampela helpim.

Mista Manwan na Amau i toktok pinis wantaim bisnisman bilong ol arapela provins olsem long Hailans na Niugini Ailan rijon long dispela hevi. Na i wetim sampela kain helpim nau.



• Mista Amau na Dokta Manwan autim wanpela bikpela hevi bilong ol timba long Is Sepik provins.

Matio askim ol saveman long go bek na wok long ples

EDDIE SAUNDERS i raitim

OL manmeri bilong Papua Niugini i mas tingting olsem ol voluntia wokman na bungim save long helpim ol arapela long developim kantri.

"Go bek long ples na wok," dispela em toktok bilong wanpela yangpela saveman bilong wok bisnis long Lae, Maboi Matio. Mista Matio i bilong Buang long Morobe. Em i bin go skul long Esian Institut bilong Menesmen long Filipino Ailan. Nau yet em i wok wantaim Kum-Gie Konsalt long Lae.

Mista Matio i tok mipela mas i gat lewa long helpim ol grasrut pipel bilong rurel eria. Dispela em long statim na ranim liklik bisnis bilong ol.

Em i tok ol saveman tru i mas tingting long wok olsem ol voluntia wokman. Na wokhat long developim ol ples pastaim, na bihain ol i ken tingting long mekim gutpela wok long kisim

bikpela mani.

"Ol saveman olsem akaunten, loya, ensinia, egrikalsa saveman na saintis i mas traim long go bek long ples, na givim sevis long ol pipel," em i tok.

"Sapos ol saveman olsem i go bek long ples, ol i ken bringim gutpela developmen long ples bilong ol."

Mista Matio i skruim tok olsem nau yet ol pipel long rurel eria i wetim tasol gavman na ol bisnis kampani long statim na bringim developmen i go long ol. Na tu sampela i askim ol yangpela studen long go bek long ples na kamapim wok long graun bilong ol.

Tasol ol saveman i no go bek long ples na soim piksa long wok. Sapos ol saveman i mekim olsem, ol i ken senisim tingting bilong ol yangpela long ples.

Mista Matio i tok olsem bihain bikpela save bilong em long wok wantaim ol liklik bisnisman insait long Morobe provins.



• Fredrich Ebert Faundesen bilong Jemani i salim Mista Matio i go skul long ovasis bihain long ol i luksave long gutpela helpim bilong em long ol likliki bisnisman meri bilong Morobe provins.

Palamen makim komiti bilong lukautim kalsa na turisim

PALAMEN i makim pinis wanpela komiti long lukautim wok bilong Kalsa na Turisim insait long Papua Niugini.

Siaman bilong komiti em John Kanadi, Mema bilong Esa'ala long Milen Be provins. Deputi siaman em Ginson Saonu, Mema bilong Kabwum, Morobe provins.

Ol arapela memba insait long dispela komiti em Arnold Marsipal (Manus Provinsal), Bart Philemon (Lae Open), Bitan Kuok (Midel Flai), Dere Wamaro (Westen Provinsal), Herowa Agiwa (Koroba Lake Kapiago), Joseph Egilio (Sentrel Bogenvil), Mathias Karani (Lufa Open), Moi Avei (Kairuku-Hiri), Peter Barter (Madang Provinsal), Yimbal Aipe (Not Wagi) na Yauwe Riyong (Jauve Open).

Wok bilong dispela komiti em long;

• luksave long we wok bilong turisim na kalsa i develop aninit long ol plen na lo i karamapim dispela industri.

• wok bung wantaim ol narapela dipatmen, provinsal gavman na pravit ogenaisesen, na kamapim bikpela dispela industri insait long kantri bihainim ol polisi bilong gavman.

• ripot long wok bilong dispela industri i go long palamen o minista bilong kalsa na turisim.

• mekim wok painimaut na ripot long ol samting i karamapim industri.

Minista bilong Kalsa na Turisim em Praim Minista Paias Wingti. Na dispela komiti bai wok aninit long em.

Bungim ol nesenel bisnisman na meri

SAPE METTA i raitim

SIAMAN bilong Isten Hailans Nesenel Bisnis Asosiesen, Mista Stainer Sapu i askim nau nesenel gavman long bungim wantaim ol nesenel bisnisman na meri, long wok bung wantaim na developim Papua Niugini.

Bikos nau yet ol ovasis kampani i lukautim ol bisnis wok.

Mista Sapu i tok dispela tingting i makim maus bilong olgeta bisnisman na meri bilong Isten Hailans provins, na bilong PNG wantaim.

Astingting bilong Isten Hailans Nesenel Bisnis Asosiesen em long lukim olgeta kainkain bisnis wok i stap long han bilong ol manmeri bilong PNG stret.

Long dispela as na ol i salim tripela memba bilong ol i kam long Mosbi. Dispela em long bung

bilong kamapim nupela PNG Nesenel Bisnis Asosiesen.

Em i tok em i aidia bilong ol, we ol i yusim mama lo bilong Isten Hailans Nesenel Bisnis Asosiesen long kamapim nesenel bodi.

Mista Sapu i skruim tok moa olsem i gat polisi bilong mekim PNG i sanap long strong bilong em yet long ol bisnis wok. Dispela em long putim moa bisnis wok long han bilong ol PNG manmeri.

Tasol gavman i bin slek long strongim dispela polisi, na ol ovasis manmeri i yusim dispela sans long kamapim ol liklik bisnis nabaut.

Em i tok asosiesen i sapatim nau muv bilong gavman long dispela. Tasol em i askim strong olsem gavman i mas tambuim ol ovasis manmeri long kirapim ol liklik stua bilong kukim na salim kaikai, stua, woksop na sampela moa.

KOPRA

Pe bilong kopra i go antap nau long K30 long wan wan ian long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem.

| | |
|---------|------|
| Smoke | K263 |
| F.M.S | K265 |
| Hot Air | K268 |

Na pe bilong kopra long ol liklik depo i stap olsem:

| | | |
|---------|---------|------|
| SAMARAI | Smoke | K231 |
| | F.M.S | K233 |
| | Hot Air | K236 |

| | | |
|-----------------------|---------|------|
| KANDRIAN na NAMATANAI | Smoke | K228 |
| | F.M.S | K230 |
| | Hot Air | K233 |

| | | |
|------|---------|------|
| BUKA | Smoke | K227 |
| | F.M.S | K229 |
| | Hot Air | K232 |

| | | |
|---------------|---------|------|
| FINSCHI IAFEN | Smoke | K223 |
| | F.M.S | K225 |
| | Hot Air | K228 |

| | | |
|-----------|---------|------|
| LORI NGAU | Smoke | K198 |
| | F.M.S | K200 |
| | Hot Air | K203 |

| | | |
|--------|---------|------|
| KEREMA | Smoke | K218 |
| | F.M.S | K220 |
| | Hot Air | K223 |

| | | |
|--------|---------|------|
| KAIKAR | Smoke | K200 |
| | F.M.S | K202 |
| | Hot Air | K205 |

CMB nau bai i no inap long kisim moa prais sapat long Gavman. Dispela i stat long Januari 1, 1992.

KAKAO

PRAIS bilong drai kakao long wanwan ian long Rabaul long Mande inap long Fraide long las wk.

| | | | | |
|-------|-------|--------|-------|--------|
| Mande | Tunde | Trinde | Fonde | Fraide |
| 9.11 | 10.11 | 11.11 | 12.11 | 13.11 |

| | | | | | |
|---|-------|-------|-------|-------|-------|
| Pe ol baiya sasim long papa bilong fementri | K/721 | K/706 | K/730 | K/736 | K/735 |
|---|-------|-------|-------|-------|-------|

| | | | | |
|-------------|------|------|------|------|
| Sapat prais | K500 | K500 | K500 | K500 |
|-------------|------|------|------|------|

| | | | | | |
|---------------------------------------|-------|-------|-------|-------|-------|
| Prais ol papa bilong fementri i kisim | K1221 | K1206 | K1230 | K1236 | K1235 |
|---------------------------------------|-------|-------|-------|-------|-------|

Sapat prais bilong kakao long dispela man em K628.95. Dispela prais i no wankam olsem pe bilong kakao long ol narapela hap bilong kantri.

KOPI

Pe bilong drai arabika na robusta kopi long wanwan kilogram long Novemba 9, 1992. Dispela i karamapim prais bilong kopi long dua bilong faktori, na i no long salit bilong rot.

| | |
|-------------|-------------|
| Arabika: | |
| Kainantu | K140 |
| Coroka | K135 to 140 |
| Mnz na Banz | K115 to 116 |
| Hagen | K120 |
| Lae | K105 |
| Mumeng | NQ |
| Wau Bulolo | NQ |
| Madang | K90 |

Ol ripot i kam long Kopi Industri Koperesen Mipela i no kisim ripot bilong Kunduawa Wapenamanda, Mendi, Erap, Aseki, na Wasu.

| | |
|----------|-----------|
| Robusta: | |
| Is Sepik | K70 to 90 |
| Madang | NQ |

Ripot bilong ol arapela senta husat i save grom robusta kopi i no kamap.

RABA

Gavim faktori (ESP): 211 kg
Doa faktori (Sentrel): 36 t/kg inap long 39 t/kg

KADAMON

Prais bilong kadamon em A. T. Agri Ejenis Pty Ltd long Madang i tok aut long eni stap olsem. Drai long san em namel long K0.80 na K1.10. Drai long lektori em namel long \$6.50 na \$8.00. A. T. Agri i lukautim Kobum Spice em i stap long Bunde we planti ol kadamon i save kam long en.

PRAIS BILONG OL BENSIN

Kos long wanpela lita Ex Pump. Wanlaim takisi:

| | |
|---------|-----------|
| Petrol | 47.9 toea |
| Disil | 37.2 toea |
| Kerosin | 43.8 toea |



BISNIS LONG PAPUA NIUGINI

Hailans Gol bai painim moa gol long Kainantu

SAPE METTA i raitim

HAILANS Gol Limited i ripot olsem wok bilong em long painim gol long Kainantu i luk gutpela, na bai i go het moa long 1993. Tasol em i no gutpela long tokaut olsem Kainantu eria i gat planti gol olsem Pogera.

Mausman bilong Hailans Gol Limited, Ian Holdberg i tok kampani i wok strong long painim gol long Kainantu eria, na bai wok yet long sampela taim moa.

I gat plen nau olsem Hailans Gol bai kirapim bikpela wok bilong painim na kisim gol long Kainantu eria long 1993. Na kos bilong Olgeta dispela wok em K8 milien.

Nau yet Hailans Gol i gat tripela

Kiunga sot long rais, suga na flaua

OL bikpela stua long Kiunga husat i save salim ol saplai long katen i sot long rais, suga na flaua. Ol liklik stua long taun tu em saplai bilong ol dispela kaikai i sot.

Tasol bikos i gat planti kastoma, papa bilong ol stua i apim nau prais bilong rais, suga na flaua.

Prais bilong wanpela klogrem rais em ol i salim namel long K2 na K2.50. Na prais bilong suga i go antap long K3 long wanwan kilogram paket.

Na wok bilong salim ol kopa bilong Ok Tedi main i go long ovasis i stap tu.

Ok Tedi Kiunga bris superinten-

laisens bilong painim gol long not na notwes eria bilong saut Wagiveli.

Mista Holdings i tok ol niuspepa ripot long bipo olsem Kainantu i gat wankain gol olsem long Pogera Gol main i no tru. Em i tok wok i go het yet, na i no gutpela long tokaut hariap nating.

Hailans Gol i gat planti seaholda insait long Isten Hailans provins. Na i plenim pinis long strongim moa wok bilong em long yia 1993. Dispela em bihain long em i kisim gutpela mani long hatwok bilong em long 1992, na baim ol seaholda long mak bilong 3.5t long wanwan sea.

Hailans Gol Limited i gat 30 pesen sea long Pogera Gol main. Pogera em i wanpela bilong ol bikpela gol main insait long wol.

den, Mista Burt Uhlinga i tok 116,000 tan i pulap nau long Kiunga bris, na painim hat long salim i go long ovasis. Bikos mak bilong Flai Riva i go daun, na sip i no inap long go insait.

LIKBA presiden redi long autim trupela ripot long spesel kibung bilong Sande

LEO WAFIWA i raitim

PRESIDEN bilong Likba, Nalden Matautu i askim nau ol memba long kamap long wanpela spesel kibung long Sande Novemba 29, na em i laik klaim ol ripot olsem em i paulim wok bilong asosiesen bilong ol liklik bisnisman na meri.

Dispela askim i go long ol memba husat i stap long Nesenel Kapitel Distrik na Sentrel provins.

Mista Matautu i egens wanpela niuspepa ripot bilong *Wantok Niuspepa* olsem asosiesen i no bungim hevi. Dispela ripot i bin kamap long Fonde Novemba 12. Na i tok 27 memba askim long wanpela spesel kibung long Sande Novemba 29 long dispela wiken.

Astingting bilong dispela kibung em long rausim presiden Matautu. Bikos ol i bilip em i yusim LIKBA opis long amamasim em yet.

Mista Matautu i bekim olsem dispela em i wanpela giman nius long bagarapim nem bilong em.

Hia em bekim bilong Mista Matautu:

Ol komiti yet i wok long paulim toktok i go i kam namel long ol yet. Dispela samting i kamap taim gavman i givim K87,500 helpim long LIKBA.

Taim LIKBA i no kisim helpim yet, i no gat wanpela komiti memba i laik wok long LIKBA opis. Ol i larim wok long han bilong Presiden Matautu inap long 8-pela krismas. Nau mani i kam pinis long LIKBA, olsem na

WNB egens bil bilong kamapim Kakao na Kopra Industri Kopresen

STEVEN KADIKO i raitim

BIL bilong kamapim Kakao na Kopra Industri Kopresen (CCIC) i no go daun isi long bel bilong ol pipel na lida long Wes Nu Briten provins. WNB em wanpela provins we planti pipel i strong long dispela tupela kes krop long kisim mani.

Minista bilong Dipatmen bilong Praimeri Industri, Roy Evara i redi dispela bil. Na i redi long autim long palamen long kisim tingting bilong ol memba long vot long en. Tasol i gat bikpela pret olsem dispela bil bai i givim hevi long ol groa.

Provinsal Minista bilong Egrikalsa na Laipstok long Wes Nu Briten, Joseph Lehen i salim pinis wanpela protes leta i kam long opis bilong minista long Waigani long dispela.

Insait long dispela leta, Mista

Lehen i tok dispela bil bai bringim bikpela hevi long industri o bisnis wok bilong kakao na kopra insait long Papua Niugini.

"Ol i no kisim tingting bilong ol smol holda pastaim bipo ol i mekim dispela bil. Ol pipel bilong mi i strong long kopra na kakao long kisim mani. Nau yet ol i no redi long oraitim dispela bil. Bikos ol i no save long bekim bilong ol dispela askim:

- Gavman i gat wanem kain tingting long ol bikpela ovasis produsa long lukautim wok bilong kakao na kopra insai long Papua Niugini?
- Husat bai bosim CCIC?

• Gavman i gat wanem kain tingting long laip na sindaun bilong ol smolholda husat i strong tru long mani bilong kakao na kopra?

• Hamas mani bai ol smolholda i baim long kamap seaholda bilong CCIC?

• Ol smolholda bai makim maus-

man bilong ol i go olsem wanem long CCIC?

• Olsem wanem sapos 99 pesen bilong ol smolholda i no memba long Growas Asosiesen? Olsem wanem bai ol i memba o i gat mausman bilong ol long Bod bilong CCIC?

• CCIC bai stretim Ekstensen Sevises i go long ol rurel eria bilong PNG olsem wanem?

• Wanem samting bai kamap long ol Sab Depot bilong Kopra Marketing Bod husat i no kamap bilong mekim profit; tasol long helpim ol smolholda? CCIC bai ranim yet ol dispela depot o no gat?

• Ol sevises fi i bilong wanem samting? Gavman i tingting wanem long ol smolholda long sait long sevises?

Mista Lehen i skruim tok olsem DPI i mas lukluk long karimaut wanpela awenes progrem long olgeta provins, na skulim ol smolholda, na tu kisim tingting bilong ol pastaim.

olgeta komiti i laik wok na kaikai dispela mani nating.

Tupela komiti i stap na kaikai mani nating i kam long mun Septemba, 4-pela komiti laik kamap presiden. Olsem i kolim miting long Septemba 27, tasol no gat memba i kamap.

Long Oktoba, ol i toktok long paulim ol memba na kolim miting long Novemba 1, 1992. Tasol i no gat wanpela memba i kam. Ol komiti i bung hait na painim rot long rausim mi, na mekim tok giman long niuspepa olsem mi paulim ol memba na autim K37,000 bilong LIKBA. Ol memba i lukim dispela nius nogut na bel-hat.

Ol memba long Mosbi i save gut tru long mi. No gat wanpela taim mi paulim mani na wokim bisnis bilong mi yet. Ol i kam lukim mi long Trinde moning, na askim mi long rausim olgeta komiti. Olsem na mipela miting long Novemba 22.

Tasol mi no strongim toktok long rausim ol komiti.

Mista Matautu i askim nau olgeta memba long kamap long kibung bilong dispela Sande. "Yupela yet skelim olgeta toktok bilong mi na bilong ol komiti. Sapos yupela painim rong, yupela ken rausim ol komiti na makim nupela," Mista Matautu i tok.

Tasol Mista Matautu i strongim yet toktok bilong las miting olsem em i no laikim olpela komiti long wok wantaim em. Em i laikim wanpela man na meri tasol, Misis Hannah Kambu na Greg Nongkas long wok wantaim em.

Mista Matautu i tok ol dispela olpela komiti i mas go. Ol pes mani stret. Ol i no helpim tru ol memba. Ol i kaikai mani tasol na

wok. "Mi askim olgeta memba bilong LIKBA long ol provins long no ken bilipim niuspepa ripot bilong Fonde Novemba 12."



Bisnis bilong salim kakaruk • Dispela yangpela man i mekim bisnis bilong lukautim na salim kakaruk. I no tripela mun yet na em bai kisim moa long K500 long ol namba wan kakaruk em bai salim long ol maket insait long Mosbi siti. Em i lukautim 50 kakaruk olgeta. Foto: David Rom.

PE BILONG AIR NIUGINI LONG PNG TASOL

| KISIM LONG I GO LONG PE BILONG BALUS | PE BILONG KAGO |
|--------------------------------------|----------------|
| POM Alotau | K101 K1.01 |
| POM Daru | K117 K1.17 |
| POM Goroka | K114 K1.14 |
| POM Hoskins | K140 K1.40 |
| POM Kavieng | K234 K2.34 |
| POM Kundiawa | K113 K1.13 |
| POM Lae | K95 K0.95 |
| POM Madang | K129 K1.29 |
| POM Manus | K206 K2.06 |
| POM Mendi | K136 K1.36 |
| POM Misima | K155 K1.55 |
| POM Mount Hagen | K132 K1.32 |
| POM Popondetta | K59 K0.59 |
| POM Rabaul | K187 K1.87 |
| POM Tabubil | K189 K1.89 |
| POM Tari | K153 K1.53 |
| POM Vanimo | K234 K2.34 |
| POM Wapenamanda | K141 K1.41 |
| POM Wewak | K180 K1.80 |

Ol kago em hevi abrusim 16kg bai gat pe

Exchange Rates

| PNGBC | | |
|-----------------------|--------|----------|
| Bank buys at: | Notes | T/T |
| Australia | 1.5140 | 1.4824 |
| USA | 1.0442 | 1.0162 |
| UK | 0.6950 | 0.6682 |
| Bank sells at: | | |
| Australia | | 1.4714 |
| UK | | 0.6549 |
| USA | | 1.0082 |
| Solomon Islands | | 3.0250 |
| China | | 5.4462 |
| Fiji | | 1.5719 |
| Hong Kong | | 7.7409 |
| India | | 27.816 |
| Japan | | 123.46 |
| New Zealand | | 1.9330 |
| Philippines | | 25.232 |
| Singapore | | 1.6307 |
| Switzerland | | 1.4278 |
| Germany | | 1.5940 |
| Gold rates (in US\$): | | |
| per ounce | | \$334.85 |
| per gramme | | \$10.77 |

Isten Hailans bai lusim K2 milien aninit long 1993 baset

ISTEN Hailans provins bai nau lusim samting olsem K2 milien long mani em save kisim insait long provins yet. Bikos nesenel gavman i katim takis we bai stat long 1993.

Dispela namba bilong mani i moa long hap bilong K3 milien we Isten Hailans provinsal gavman i save kamapim olsem Intenel

Revenu insait long olgeta yia.

Plantilong dispela mani i save kam long tripela pesen retail sels takis we provinsal gavman i save sasim long kaikai ol stua, na tu sevis olsem na telipon.

Na aninit long ol nupela lukaut we Minista bilong Fainens na Plening, Sir Julius Chan i tokaut long en, ol bisnis we ol provinsal

gavman i save ranim i i save bagarapim ikonometri bilong provins. Long wanem ol provinsal gavman i save putim kamap ol takis long dispela ol bisnis.

Isten Hailans putim kamap 2 pesen takis long olgeta kaikai samting long ol stua. Tasol bai i no inap long putim kamap takis long gavman sevis stat long

1993.

Isten Hailans em i wanpela provins we i gat ful pawa long wok bisnis. Dispela i min olsem sapos nesenel gavman i pinisim provinsal gavman sistem, provinsal edministresen o wanpela nupela provinsal atoriti i ken kisim takis yet, na tu ol narapela Intenel Revenu.

Bilong wanem blakbokis save stil?



BIPO bipo tru long taim bilong tumbuna, i gat wanpela lapun meri na pikinini i save stap long ples Upa insait long Mendi eria bilong Sauten Hailans provins. Nem bilong dispela pikinini em Naiko.

Kaikai bilong tupela em bataflai na palai. Bikos i nogat narapela kaikai long ples.

Wanpela moning Naiko kisim bunara bilong em na bihainim wara Kerel i go long het bilong em. Em lukim planti batafalai stret bung i stap. Em amamas stret na sut long wanpela bia.

Olgeta bataflai kirap na flai i go nabaut. Naiko bihainim i go na lukim spia i pas stret long bel bilong wanpela pik. Man em amamas nogut tru na kisim i go kamap long haus.

Lapun mama i lukim na amamas nogut tru. Bikos oltaim tupela save kaikai bataflai na palai tasol.

Olgeta de Naiko bihainim wara Kerel i go, bai em painim bel bilong pik na karim i kam bek long haus. Wanpela de em tingting long painimaut husat tru i save kilim pik, na tromoi bel long wara i kam long em.

Naiko bihainim wara Kerek i go na kamap long wanpela ples. Namel long ples ya i gat wanpela diwai. Na long as bilong diwai ya i gat ples bilong mumu.

Em wokabaut i go klostu na diwai i toktok long em. Naiko pret na i laik ranawe. Tasol diwai tokim em long kam klostu na kamautim kawar long as bilong en, na karim i go antap long diwai, na lukautim wanem samting bai kamap.

I no longtaim graun i guria na kainkain samting i pundaun i go daun long graun. I no longtaim insait long hul bilong diwai, Naiko lukim ol bikpela pik stret. Ai bilong em i op olgeta.

Na wanpela masalai man i kam ausait na kilim wanpela bilong ol dispela pik. Em mekim mumu na go daun long wara long kisim sampela ston.

Sem taim Naiko kam daun kisim planti pik na ranawe i go long ples bilong em. Na olgeta de Naiko wantaim mama i save kaikai pik tasol.

Mekim i go na masalai lukim olsem pik bilong em i sot. Wanpela de em putim was i stap na lukim Naiko i kamap. Em holim pasim Naiko na putim insait long haus kanda bilong em. Na bihain em mekim bikpela paia na smokim Naiko.

Man Naiko i lusim olgeta skin bilong em. Na lapun mama wet i go nogat na save olsem pikinini i dai pinis. Em krai i stap na wanpela blakbokis i kam.

Em singautim blakbokis long go na kisim Naiko i kam. Blakbokis harim na go kamap long ples bilong masalai. Long biknait tru em karim haus kanda bilong masalai wantaim Naiko i kam lusim long dua bilong haus. Lapun mama i



lukim na amamas nogut tru.

Lapun mama i tokim blakbokis ya, "Mi no gat samting bilong givim yu. Tasol long

olgeta gaden, yu mas kisim kaikai pastaim, na mipela ol man bai kisim bihain."

Bihainim dispela toktok na tude ol blak-

bokis save kaikai banana na popo long gaden.

Paul Pei
KIMBE



U Kanage sanap long Wewak Distrik kot long sas bilong bagarapim meri Simbu.

Em nau mejistret i askim Kanage sapos i tru olsem em i bin mekim dispela samting. Kanage kirap sanap na lukluk i go daun long lek bilong em na bihain em lukluk i go antap long het bilong mejistret na tok. "Pukpuk bilong wara Sepik i save slip long tais wara. Tasol taim em i hangre, em save go long baret wara bilong narapela man long waswas na stretim skin bilong em."

Thomas Passingan
KAVIENG

Wanpela potnait wik Fraide Kanage wantaim tambu bilong em i go spak long Tamara Hotel. Tupela givim i go na Kanage i spak nogut tru i no longtaim tambu i askim em. "Hei tambu yu orait o waia i lus liklik." Na Kanage i tokim tambu bilong em: "Mai tams leva. Mai orait tasol ya. Ol waia i no lus. Oli pas yet na stap."

Taim tambu bilong Kanage i harim olsem Kanage i orait yet, tupela i givim i go inap hotel i pas. Em nau tupela i go ausait na wokabaut i go long haus. Taim tupela wokabaut i go long rot, Kanage i pundaun na slip namel long rot i stap. Tambu i wet i go no gat na kirapim Kanage.

Taim Kanage i kirap, het bilong em i paul nogut tru. Na em i tokim tambu bilong em: "Tambu o. Plis mi laikim olsem bai yu kisim haus bilong mi kam long mi." Na tambu bilong em i tokim em. "Sore tru yaka mai tams. Yu haus i stap longwe tru yaka."

Khris Makis
Kep Wom
WEWAK

U Kanage sindaun long haus bilong em long Baruni long Mosbi na harim redio Kalang i stap. I no longtaim em i harim singsing bilong Winfil Lig 92 i kamap long redio. Kanage harim i go na em i harim ol i singsing long tok Inglis olsem. "We are making the big game bigger, we are making the big game the best."

Taim Kanage i harim olsem, em kirap na tok. "Tru tumas ya. Olsem na Nu Silan i wokim gem i kamap bikpela long 66 poin taim PNG Kumul i pilai wantaim ol."

James Mais na Kessie Tiamuruka
KOKOPO

Em i gutpela long marit long narapela provins o kantri?



Dia Laiplain,

Planti meri long provins i maritim ol man long narapela provins o kantri. Sampela bilong ol dispela meri em man i lusim ol pinis. Na ol yet i lukautim pikinini.

Papamama i skulim mi long tubuna pasin bilong ples, we i no wankain olsem bilong ol arapela provins na kantri.

I luk olsem plen bilong gavman long bungim ol pipel wantaim i

egens tumbuna pasin bilong provins. Mi paul long dispela. Bikos planti marit i no kamap gut.

CONFUSED

Dia Laiplain, Mi laik maritim man bilong narapela provins. Tasol ol pipel long ples i no laikim ol pikinini meri i marit ausait long provins.

Mi pilim olsem mipela olgeta pipel i wankain. Bikos God i wokim mipela olgeta.

UNCERTAIN

Dia Laiplain, Mi marit long meri long narapela provins. Em i gat narapela tumbuna pasin. Meri ting mi mas bihainim pasin bilong ol. Oltaim em i laik stap wantaim papamama bilong em. Na laikim olsem mi mas bihainim em.

Tasol mitupela i gat pikinini. Na mi no laik stap longwe long ol.

DIVIDED

Dia CONFUSED, UNCERTAIN na DIVIDED, Mipela prinim leta bilong yupela wantaim. Bikos olgeta i gat wankain askim, "Em i gutpela long marit long narapela provins o kantri?" Na olgeta leta i ansarim ol yet.

Long bekim ol dispela leta, mipela bai autim sampela tingting bilong ol kaunsil bilong mipela. Dispela em hevi bilong planti pipel tu. Olsem na mipela bai givim wanpela moa bekim long neks wik.

Em i tru olsem God i wokim mipela, na mipela i wankain. Maski mipela i kam long narapela provins o kantri. Tasol inap long mipela i tok olsem mipela i no

wankain? Tru olsem mipela i gat kainkain tumbuna pasin. Na ol dispela samting i bikpela long laip na sindaun bilong mipela.

Ol yangpela manmeri i gat bikpela laik long painim pren na marit. Dispela em taim ol i stap wantaim ol pipel bilong narapela provins, o sapos ol i bungim wanpela man o meri bilong narapela provins husat i gutpela long ol. Laik bilong ol i ken kamap strong, maski ol i kam long narapela provins.

Kain kain tumbuna pasin i no bikpela samting. Bikos tupela i gat bikpela laik. Ating pasin bilong kain kain tumbuna pasin i pulim tupela i kam wantaim. Bikos em i gutpela long lainim ol nupela we na aidia.

Tasol planti taim dispela i senis bihain long tupela i marit. Taim yu stap longpela taim wantaim wanpela man o meri, ol bai mekim

sem samting, na yu no inap long amamas.

Bikos yu save olsem we bilong yu i gutpela. Na ol tu bilip olsem we bilong ol i gutpela. Kros bai kamap, na marit bai bruk.

Planti taim hevi i no save kamap olsem.

Sampela taim ol kain marit i save kamap gut. Tasol ol i mas redi long lainim nupela we, na no ken daunim arapela, na wok bung wantaim long marit i kamap gut.

Mo a tingting long dispela long neks wik.

MI LAIPLAIN

Sallim ol hevi na wari bilong yu i kam long LAIPLAIN, P.O. BOX 6047, Boroko. Yu ken ringim mipela tu long telpon namba 26 0011. Mipela i no inap autim trupela nem bilong yu long hia.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH. Min Aion - Ext 203
John lagata - Ext 215
Kosinto Fosagu - Ext 216
Bonner Hui - Ext 202

PABLIK TOKSAVE

MV Kaum bai lusim Port Moresby, APC Wharf long 12 kilok apininun stret long olgeta Mande.

Ples long go Kerema
Fi K40 long wan wan man o meri
K2 long wan wan kago pek

Sapos yu laik bukim long grup - ringim mipela long telepon namba 25 3444 o 25 3839.

Ol pasindia bilong Kerema laik kam long Port Moresby, yu ken baim tiket long Nings Trading long Kerema.

Lusim Kerema long Tunde na go long Port Moresby long 4 pm.

Bai mipela salim ol tiket long MV Kaum long Fonde igo inap long Sarere - 8 kilok long moning inap long 12 kilok long apinun.



Always
a step
ahead
with



KAWANG MILITARY & CAMPING SUPPLIES

ORDER FORM

Please send me the following:

1. Army Green/Black Bag K40
2. G. P. Boots (used) K40 (new) K50 (restricted)
3. Man Tent K70
4. 4 Man Tent K198
5. Pistol Belt (Green/Camo) K15
6. Green Hat K7
7. Camo Hat K7.20 (restricted)
8. Flying Jacket Green K65
9. Army Socks K11.20
10. Jungle Hammock K167
11. Mini Hammock K20
12. Nylon Hammock K25
13. Navy Blue Carry Bag K45



Agent moving to Wewak soon opposite to Air Niugini Wewak.

Price subject to change without notice.

Please tick appropriate box and indicate number of items besides the box.

NAME:

ADDRESS:

PHONE/FAX:

I hereby enclose a bank cheque of PNG K to Kawang Military & Camping Supplies, P.O. Box 4981, Boroko, NCD. PNG. Postage and handling K2 per item other goods on application.

Please note that items marked (restricted) are for discipline forces only.

A 100% NATIONALLY OWNED COMPANY



DISPELA TOK SAVE I GO LONG OLGETA FAINENSAL MEMBA.

Tok save i go olsem mipela nau bai bihainim ol nupela lo bilong givim aut mani. Olsem na husat memba i aplai long kisim mani bilong skul fi, mipela bai lukluk long tupela samting.

MIPELA I LAIKIM OLSEM:

1. Ol memba husat i aplai long kisim mani bilong baim skul fi i mas givim ol pepa bilong skul fi i kam long hetmasta o bod ov gavana bilong skul. Mipela i no inap long kisim ol narapela pepa nabaut.
2. Ol memba husat i aplai long kisim mani bilong skul fi i mas givim mipela hap pepa we i soim hamas mani ol i save kisim long wanpela potnait.
3. Ol memba i mas aplai long kisim mani bilong skul fi tasol.

ROT BILONG GIVIM AUT MANI.

1. Mipela i no inap salim sek mani i go long ol memba husat i aplai. Bipo mipela i save salim sek mani long nem bilong ol memba husat i aplai. Tasol nau mipela bai salim sek i go stret long ol skul we ol memba i aplai long baim skul fi.

Mipela i askim olgeta memba long bihainim na mekim wanem samting mipela i askim ol long mekim. Mipela bai stat long yusim dispela nupela lo long pinis bilong mun Desemba long dispela yia.

Ol memba husat i laik rausim mani o laikim mipela long bekim mani bilong ol i mas wet inap long namel bilong mun Mas long narapela yia, 1993.

Iga Kila
Siaman, Bod bilong ol Dairekta

TOKSAVE

Likba Extraordinary General Meeting (SPESOL KIWUNG)
Dispela Sande 29-11-92 1 kilok
4 Mail Likba Het Opis

SPORTS
NEWSPAPER
30t

DO YOU REALLY MEAN BUSINESS



Then don't keep it to yourself
Tell Papua New Guinea through



PNG

BUSINESS

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik.advertais, telepon 25 2500 na askim long

PH: Miri Aion - Ext 203
John lagata - Ext 215
Kosinto Fosagu - Ext 216
Bonner Hui - Ext 202



LUSHIP DESEMBA 1992

RON BILONG OL PASINDIA SIP LUSIM LAE PASINDIA PASINDIA PASINDIA



Lutheran Shipping P.O. Box 1459, LAE. Long wokim ol buking/tok save bilong ol ron bilong ol sip, toktok wantaim CLEMENT o ITA long telipon namba 42 2066. Dispela mak (*) i soim tasol ron bilong ol pasindia sip. Ol narapela sip i save karim ol pasindia na kago.

| VESSEL | VOY. NO. | SAILING FOR | DAY | DATE | TIME |
|------------|----------|------------------------------------|-----|----------|------|
| Umboi | 245N | Lorengau | Tue | 01-12-92 | 4pm |
| *Rita | 154N | Buki/Finsch/Wasu/ Madang/Wewak | Wed | 02-12-92 | 9am |
| Total | 535N | Finsch/Sio/Wasu/ Yara/Biliau | Wed | 02-12-92 | 4pm |
| *Mamose Ex | 286A | Buki/Lae | Fri | 04-12-92 | 2pm |
| *Mamose Ex | 286X | Buki/Lae | Sat | 05-12-92 | 8am |
| *Mamose Ex | 286B | Lab Lab/Buki/Lae | Sat | 05-12-92 | 8pm |
| *Mamose Ex | 286C | Buki/Lae | Sun | 06-12-92 | 12mn |
| *Mamose Ex | 287N | Kimbe/Rabaul | Mon | 07-12-92 | 4pm |
| *Rita | 154D | Oro Bay | Mon | 07-12-92 | 7pm |
| Umboi | 246N | Finsch/Lorengau | Tue | 08-12-92 | 4pm |
| *Rita | 155N | Buki/Finsch/Wasu Madang/Wewak | Wed | 09-12-92 | 9am |
| Total | 536A | Finsch/Gizarum/ Lab Lab/Lae | Wed | 09-12-92 | 4pm |
| Nagada | 272N | Lokep/Long Is/Aitape Vanimo/Aitape | Thu | 10-12-92 | 4pm |
| *Mamose Ex | 287A | Buki/Lae | Fri | 11-12-92 | 2pm |
| *Mamose Ex | 287X | Buki/Lae | Sat | 12-12-92 | 8am |
| Total | 536N | Finsch/Wasu | Sat | 12-12-92 | 12nn |
| *Mamose Ex | 287B | Lab Lae/Buki/Lae | Sat | 12-12-92 | 8pm |
| *Mamose Ex | 287C | Buki/Lae | Sun | 13-12-92 | 12mn |
| *Mamose Ex | 287D | Oro Bay | Mon | 14-12-92 | 7pm |
| Umboi | 247N | Finsch/Lorengau | Tue | 15-12-92 | 4pm |
| *Mamose Ex | 288A | Buki/Lae | Wed | 16-12-92 | 8am |
| Total | 537A | Gizarum/Lae | Wed | 16-12-92 | 4pm |
| *Mamose Ex | 288W | Wasu/Buki/Lae | Wed | 16-12-92 | 8pm |
| *Mamose Ex | 288B | Lab Lab/Buki/Lae | Thu | 17-12-92 | 8pm |
| Total | 537N | Finsch/Sio/Wasu/ Yara/Biliau | Fri | 18-12-92 | 12nn |
| *Mamose Ex | 288X | Buki/Lae | Sat | 19-12-92 | 8am |
| *Mamose Ex | 288D | Morobe/Oro Bay/ Morobe | Sat | 19-12-92 | 8pm |
| *Mamose Ex | 289A | Buki/Lae | Mon | 21-12-92 | 8am |
| Nagada | 273N | Gizarum/Lokep /Long Island | Mon | 21-12-92 | 4pm |
| *Mamose Ex | 289X | Buki/Lae | Tue | 22-12-92 | 8am |
| *Mamose Ex | 289Y | Buki/Lae | Wed | 23-12-92 | 8am |
| Total | 538N | Finsch/Wasu | Wed | 23-12-92 | 4pm |
| *Mamose Ex | 289Z | Buki/Lae | Thu | 24-12-92 | 8am |
| *Mamose Ex | 289B | Buki/Finsch/ Lab Lab /Buki/Lae | Sat | 26-12-92 | 8am |
| *Rita | 156N | Kimbe/Rabaul | Mon | 28-12-92 | 4pm |
| *Mamose Ex | 289D | Oro Bay | Mon | 28-12-92 | 7pm |
| Umboi | 248N | Madang/Lorengau | Tue | 29-12-92 | 4pm |
| *Mamose Ex | 290N | Buki/Finsch/Wasu Madang/Wewak | Wed | 30-12-92 | 9am |
| Total | 539N | Finsch/Wasu | Wed | 30-12-92 | 4pm |

LUSHIP LUSHIP LUSHIP LUSHIP P.O. BOX 789 MADANG RON BILONG OL SIP LONG MUN NOVEMBA 1992 SIP BILONG KARIM OL PASINDIA

| VESSEL | VOY NO | SAILING FROM MADANG FOR | DAY | DATE | TIME |
|--------|--------|----------------------------------|-----|----------|------|
| Umboi | 245N | Lorengau | Wed | 02-12-92 | 12mn |
| Rita | 154N | Wewak | Fri | 04-12-92 | 5pm |
| Rita | 154S | Wasu/Finsch/Lae/ Oro Bay | Sun | 06-12-92 | 9am |
| Umboi | 245S | Finsch/Lae | Sun | 06-12-92 | 9pm |
| Total | 535S | Biliau/Yara/Wasu/ Sio/Finsch/Lae | Mon | 07-12-92 | 9am |
| Nagada | 271S | Long Is/Lokep/ Masele/Gizarum | Mon | 07-12-92 | 6pm |
| Umboi | 246N | Lorengau | Wed | 09-12-92 | 12mn |
| Rita | 155A | Wewak | Thu | 10-12-92 | 5pm |
| Rita | 155B | Wewak | Sat | 12-12-92 | 9am |
| Nagada | 272N | Aitape/Vanimo | Sat | 12-12-92 | 6pm |
| Umboi | 246S | Finsch/Lae | Sun | 13-12-92 | 9pm |
| Rita | 155C | Wewak | Sun | 13-12-92 | 12mn |
| Total | 536S | Wasu/Finsch/Lae | Mon | 14-12-92 | 6pm |
| Rita | 155D | Wewak | Tue | 15-12-92 | 5pm |
| Umboi | 247N | Lorengau | Wed | 16-12-92 | 12mn |
| Rita | 155E | Wewak | Thu | 17-12-92 | 9am |
| Rita | 155F | Wewak | Fri | 18-12-92 | 12mn |
| Nagada | 272S | Biliau/Yara/Wasu/ Sio/Finsch/Lae | Sat | 19-12-92 | 9am |
| Rita | 155G | Wewak | Sun | 20-12-92 | 5pm |
| Umboi | 247A | Lorengau | Mon | 21-12-92 | 8am |
| Total | 537S | Biliau/Yara/Wasu/ Sio/Finsch/Lae | Mon | 21-12-92 | 9am |
| Rita | 155H | Wewak | Tue | 22-12-92 | 9am |
| Rita | 155I | Wewak | Wed | 23-12-92 | 12mn |
| Rita | 156S | Wasu/Finsch/Lae (Kimbe/Rabaul) | Sun | 27-12-92 | 9am |
| Total | 538S | Wasu/Finsch/Lae | Mon | 28-12-92 | 6pm |
| Umboi | 248N | Lorengau | Wed | 30-12-92 | 12mn |

MADANG: taim bilong kisim ol tiket - MANDE i go inap long FRAIDE:
8 klok moning i go inap long 15 minit i go antap long belo
15 minit i abrusim 1 klok i go inap long hap pas 3 apinun.
SARERE: 8 klok i go inap long 10 klok long moning.

Husat i laik wokim buking o toktok long dispela i ken ringim SESU long telipon namba 82 2577.

LUSHIP LUSHIP LUSHIP P.O. BOX 789 MADANG RON BILONG OL KAGO SIP LONG MUN NOVEMBA 1992 KAGO KAGO KAGO KAGO KAGO KAGO

Lutheran Shipping P.O. Box 1459, LAE.

Long wokim ol buking/tok save bilong ol ron bilong ol sip, toktok wantaim JERRY o PONGO long telipon namba 42 2066

OL BIKPELA BRIS

| VESSEL | VOY. NO. | LOADING FOR | DAY | SAILING DATE | TIME |
|--------|----------|----------------------|-----|--------------|------|
| Kuder | 045S | Oro Bay | Tue | 01-12-92 | 12nn |
| Umboi | 245N | Madang/Lorengau | Tue | 01-12-92 | 4pm |
| Kuder | 046N | Madang/Wewak Vanimo | Fri | 04-12-92 | 12nn |
| Wewak | 176S | Oro Bay | Tue | 08-12-92 | 12nn |
| Umboi | 246N | Madang/Lorengau | Tue | 08-12-92 | 4pm |
| Wewak | 177N | Madang/Wewak/ Vanimo | Fri | 11-12-92 | 12nn |
| Kuder | 046S | Oro Bay | Tue | 15-12-92 | 12nn |
| Umboi | 247N | Madang/Lorengau | Tue | 15-12-92 | 4pm |
| Kuder | 047N | Madang/Wewak/ Vanimo | Fri | 18-12-92 | 12nn |
| Wewak | 177S | Oro Bay | Mon | 21-12-92 | 12nn |
| Wewak | 178N | Madang/Wewak/ Vanimo | Thu | 24-12-92 | 12nn |
| Kuder | 047S | Oro Bay | Tue | 9-12-92 | 12nn |
| Umboi | 248N | Madang/Lorengau | Tue | 9-12-92 | 4pm |
| Kuder | 048N | Madang/Wewak/ Vanimo | Sat | 02-01-93 | 12nn |

OL LIKLIK BRIS

| VESSEL | VOY. NO. | LOADING FOR | DAY | SAILING DATE | TIME |
|--------|----------|--------------------------------|-----|--------------|------|
| Total | 535N | Finsch/Sio/Wasu/ Yara/Biliau | Wed | 02-12-92 | 4pm |
| Total | 536A | Finsch/Gizarum/ Lab Lab/Lae | Wed | 09-12-92 | 4pm |
| Nagada | 272N | Lokep/Long Is/Aitape Wasu | Thu | 10-12-92 | 4pm |
| Total | 536N | Lokep/Long Is/Aitape Wasu | Sat | 12-12-92 | 12nn |
| Total | 537A | Gizarum/Lae | Wed | 16-12-92 | 4pm |
| Total | 537N | Finsch/Sio/Wasu/ Yara/Biliau | Fri | 18-12-92 | 12nn |
| Nagada | 273N | Gizarum/Lab Lab/ Lokep/Long Is | Mon | 21-12-92 | 4pm |
| Total | 538N | Finsch/Wasu | Wed | 23-12-92 | 4pm |
| Total | 539N | Finsch/Wasu | Wed | 30-12-92 | 4pm |

OL BIKPELA BRIS

| VESSEL | VOY NO | SAILING FROM MADANG FOR | DAY | DATE | TIME |
|--------|--------|-------------------------|-----|----------|------|
| Umboi | 245N | Lorengau | Wed | 02-12-92 | 12mn |
| Kuder | 046N | Wewak/Vanimo | Sun | 06-12-92 | 10am |
| Wewak | 176S | Lae/Oro Bay | Sun | 06-12-92 | 10am |
| Umboi | 246N | Lorengau | Wed | 09-12-92 | 12mn |
| Kuder | 046S | Lae/Oro Bay | Sun | 13-12-92 | 10am |
| Wewak | 177N | Wewak/Vanimo | Sun | 13-12-92 | 10am |
| Kuder | 047S | Lae/Oro Bay | Sun | 27-12-92 | 10am |
| Wewak | 178N | Wewak/Vanimo | Mon | 28-12-92 | 10am |
| Umboi | 248N | Lorengau | Wed | 30-12-92 | 12mn |

OL LIKLIK BRIS

| | | | | | |
|--------|------|-------------------------------|-----|----------|-----|
| Total | 535S | Biliau/Yara/Wasu/ Sio/Finsch | Mon | 07-12-92 | 9am |
| Nagada | 271S | Long Is/Lokep/ Masele/Gizarum | Mon | 07-12-92 | 6pm |
| Nagada | 272N | Aitape | Sat | 12-12-92 | 6pm |
| Total | 536S | Wasu/Finsch | Mon | 14-12-92 | 6pm |
| Total | 537S | Biliau/Yara/Wasu/ Sio/Finsch | Mon | 21-12-92 | 9am |
| Total | 538S | Wasu/Finsch | Mon | 28-12-92 | 6pm |

Husat i laik wokim buking bilong salim ol kago i ken toktok wantaim ADAM o WILLIE long telipon namba 82 2928 o 82 2148.

LUSHIP i save wok yet long karim gen ol kago.

KAGO KAGO KAGO KAGO KAGO



BENSON & HEDGES SOFTBALL

Wantok

Ol olupela blut bung long Mosbi

PORT MORESBY WOMENS SOFTBALL ASSOCIATION INC.
1992 - 1993 SEASON DRAW - ROUND 1
WEEK 6: 28-11-92

| TIME | DIAMOND ONE | GRADE |
|------|-------------------------------|-------|
| 0900 | G'Malangan I vs Royals I | A |
| 1030 | S.Wantoks vs All Stars I | A |
| 1200 | GI Gazelle I vs Mazda Carps I | A |
| 1330 | N.Fuji I vs Elcom I | A |
| 1500 | Chebu I vs United I | A |
| 1630 | NGI I vs Yokom I | A |

| TIME | DIAMOND TWO | GRADE |
|------|----------------------------|-------|
| 0900 | Neighbours vs Admiralty II | D |
| 1030 | Elcom II vs Admiralty I | C |
| 1200 | Chebu II vs NGI II | D |
| 1330 | UPNG II vs Karanas II | C |
| 1500 | S.Wantoks vs GI-Gazelle II | B |
| 1630 | Royals II vs All stars III | C |

| TIME | DIAMOND THREE | GRADE |
|------|------------------------------|-------|
| 0900 | Dodgers II vs Norths II | D |
| 1030 | Dodgers I vs DTI I | B |
| 1200 | Hanza Bay I vs Norths I | AR |
| 1330 | Yokomo II vs All stars II | B |
| 1500 | Tarangau I vs Mazda Carps II | AR |
| 1630 | UPNG I vs N/Fuji II | AR |

PORT MORESBY MEN'S SOFTBALL
WEEKEND DRAWS:
Sunday 29th NOVEMBER 1992

| Time | Dd | Team | UMPIRE |
|------------------|----|-------------------------|-------------|
| 9:00 - 10:45 | 1 | F.Gazelle vs Elcom | Evald-Naron |
| 11:00 - 12:15 | 1 | M.B.Eagles vs Chebu | Simitap |
| 12:30 - 1:45 | 1 | NGI vs Manolos | Sogai |
| 2:00 - 3:15 | 1 | Hawks vs G'Malangan | Mesak |
| 3:30 - 4:45 | 1 | N.Fuji vs I/Karanas | |
| "B" Grade | | | |
| 9:00 - 10:45 | 3 | Hawks vs MSC | Simitap |
| 11:00 - 12:15 | 3 | NGI vs HoodSCO | Sorang |
| 12:30 - 1:45 | 3 | Elcom vs City Tigers | Gom |
| 2:00 - 3:15 | 3 | N.Fuji vs G'Malangan | Klink |
| 3:30 - 4:45 | 3 | F.Gazelle vs M.B.Eagles | |

| Time | Dd | Team | UMPIRE |
|------------------|----|------------------------|----------|
| 8:00 - 9:15 | 2 | HoodSCO vs D/Salle | Talim |
| 9:30 - 10:45 | 2 | Chebu vs G'Malangan | Robinson |
| 11:00 - 12:15 | 2 | N.Fuji vs I/Karanas | Mesak |
| 12:30 - 1:45 | 2 | MSC vs Aviat | Terra |
| 2:00 - 3:15 | 2 | City Tigers vs Manolos | Simitap |
| 3:30 - 4:45 | 2 | Elcom vs Hanza Bay | Sorang |
| Varsity - Bye | | | |
| "C" Grade | | | |

GAZELLE na Mazda bai kamapim wanpela strongpela pilai tru long Mosbi Wimens A gret sofbal resis long Sarere, Novemba 28. Bikos tupela tim i olupela tim insait long

dispela resis. Na ol i klia pinis long olgeta stail bilong ol yet. Tasol sapos Mazda i luksave gut gemlong pilai bilong ol lain Gazelle, ol inap long win. Sapos nogat, dispela sempian

tim bilong las sisen, Gazelle bai autim ol. Gazelle i gat gutpela sans tru long winim dispela pilai. Bikos nem bilong ol tasol inap long pretim ol pilaia bilong arapela tim ya.


Ol meri Gazelle i gat nem long holim taitel olsem ol sempion. Mazda long narapela sait inap long winim ol Gazelle sapos ol i stretim bekap pilai bilong ol. Ol i no ken

mekim ol flaibal bikos ol bai no gat sans long ron. Gazelle i soim pinis olsem ol i gat ol gutpela ketsa insait long ol daimon mak na long ol outfil wantaim.

Na ol i bin soim dispela strong bilong ol taim ol i win long pilai bilong ol wantaim All-stars, wanpela nupela strongpela tim. Allstars i soim olsem ol olupela tim nabaut i no ken luk daun long ol. Dispela i bin kamap ples klia long kain stail bilong ol long pilai.

Sampela olupela pilaia long ol arapela tim i bin joinim ol. Na ol i bungim save wantaim strong bilong ol nupela pilaia. Ol olupela pilaia i save ritim pilai bilong ol narapela tim. Na ol nupela pilaia wantaim ol flaibal na strongpela ron i apim nem bilong ol.

Long las wik Sarere, ol i bin pilai wantaim Yokomo na kilim ol 7-4. Yokomo i no bin lusim wanpela gem bilong ol inap long dispela taim we Allstars i bin kilim ol. Na sapos ol i pilai bihainim dispela stail, ol inap kamap wanpela bilong ol top 5-pela tim long dispela yia.



• Beta bilong Yokomo i sambai long betim bal egens All Stars. Dispela em long A gret sofbal resis bilong ol meri long Bisini sofbal graun, Mosbi las wiken. Ol meri All Stars i strong na winim dispela gem 6-4. Ketsa Mary Worsley i sambai long ketsim bal long baksait. *Poto: Ivan Bayagau.*

MOSBI WIMENS SOFBAL POIN LATA

| | | | | | | | | | | | | |
|---------------------|-------------|---------------|------------|-------------|-----------|--------------|-----------|---------|----------|---------|----------|-------|
| A Gred | Gazelle 10 | Mazda 10 | Fuji 7 | Allstars 7 | Wantoks 6 | Malagan 6 | Yokomo 4 | Elcom 2 | Royals 2 | Chebu 2 | United 2 | NGI 0 |
| B Gred | Malagan 8 | Gazelle 6 | Yokomo 4 | Allstars 4 | DTI 4 | Dodges 2 | Wantoks 0 | | | | | |
| C Gred | Admiralty 8 | Royals 6 | Karanas 6 | Allstars 4 | Elcom 2 | UPNG 2 | United 2 | | | | | |
| D Gred | Chebu 8 | City Tigers 8 | NGI 6 | Admiralty 4 | Norths 2 | Neighbours 2 | Dodges 0 | | | | | |
| A Risev Gred | Karanas 8 | UPNG 6 | Tarangau 4 | Hanza Bay 4 | Norths 4 | Mazda 2 | Fuji 0 | | | | | |

MOSBI SOFBAL ASOSIESEN SKOA BILONG LAS WIKEN NOVEMBA 21-22

| Wimen (A Gred) | | Man (A Gred) | | |
|----------------|-----|--------------|----------|---|
| Teams | Pts | Teams | Pts | |
| Mazda | 7 | vs | Malagan | 6 |
| Gazelle | 3 | vs | Wantoks | 2 |
| Allstars | 6 | vs | Yokomo | 4 |
| Fuji | 6 | vs | Royals | 5 |
| Elcom | 15 | vs | United | 8 |
| Chebu | 10 | vs | NGI | 4 |
| Manalos | 3 | vs | Hawks | 1 |
| Malagan | 10 | vs | Karanas | 0 |
| Fuji | 6 | vs | Chebu | 0 |
| Elcom | 4 | vs | NGI | 1 |
| Gazelle | 2 | vs | B/Eagles | 6 |

LAE MENS SOFBAL ASSOCIATION DRAW ROUND ONE DRAW NO: 6

SATURDAY NOVEMBER 29 1992

Diamond one "A" Grade

| TIMES | GAMES | UMPIRE |
|-------------|-------------------------|-----------|
| 9.00-10.15 | Taubar vs Karanas | L/B Hawks |
| 10.15-11.30 | BHP Eagles vs C/C Aviat | YMCA |
| 11.30-12.45 | UD Bismark vs Gazelles | Taubar |
| 12.45-2.00 | Royals vs PNGBC | BHP Eagle |
| 2.00-3.15 | L/B Hawks vs P/Malangan | C/C Aviat |
| 3.15-4.30 | YMCA vs Kabiu | U/Bismark |

Diamond Three "A" Reserve

| | | |
|-------------|-------------------------|----------|
| 9.00-10.15 | UD/Bismark vs Gazelles | Royals |
| 10.15-11.30 | Royals vs PNGBC | Malagan |
| 11.30-12.45 | L/B Hawks vs Malagan | Kabiu |
| 12.45-2.00 | YMCA vs Kabiu | Karanas |
| 2.00-3.15 | Taubar vs Karanas | Gazelles |
| 3.15-4.30 | BHP Eagles vs C/C Aviat | PNGBC |

Diamond Two - U/15

| | | |
|-------------|------------------------|---------|
| 11.30-12.45 | YMCA vs Kabiu | Royals |
| 12.45-2.00 | UD Bismark vs Gazelles | Karanas |
| 2.00-3.15 | Royals vs PNGBC | Gazelle |

Diamond Four - U/15

| | | |
|-------------|-------------------------|---------|
| 11.30-12.45 | Taubar vs Karanas | Kabiu |
| 12.45-2.00 | L/B Hawks vs Malagan | Bismark |
| 2.00-3.15 | BHP Eagles vs C/C Aviat | PNGBC |



• Kas bilong ketsa Mary Worsley.

BENSON & HEDGES SOFTBALL

Boksen klap kirap gen long Goroka

SAPE METTA i raitim

WANPELA boksa long Goroka. husat i gat gutpela rekot bilong pait long boksen ring i statim pinis wanpela klab long kirapim gen spot bilong boksen insait

Nem bilong dispela boksa em William Nepson. Em i bilong i Manus. Na nau em i gat 11-pela yangpela man husat i wok long

tren aninit long em long olgeta apinun stat long Mande i go inap long Fraide. Na tu long moning taim long olgeta Sarere na Sande.

Nepson i bin stat boksen long 1985 long Manus aninit long lukaut bilong PNG nok

aut speselis, Steven Metta. Metta i bin trenim tu brata bilong em Tinge. Na nau Tinge em i wanpela sempion boksa bilong Papua Niugini.

Long 1985, Nepson i kamapim namba wan pait bilong em wantaim Gibson Gibmai long Nesenel Boksing Sempionsip long Rabaul. Tasol em i bin lus long poin. Tasol long ol sempionsip insait long 1986 na 1988, Nepson i putim kamap sampela

pait na i win.

Nem bilong em i kamap bikpela taim oli makim em long 1988 long go long Tahiti na stap insait long Oseania gems. Na tu em i kisim gutpela ekspiriens.

Wanpela yia bihain ol i makim em gen wantaim ol narapela boksa bilong go long Nu Silan. Tasol ol i no bin go. Bikos long sampela hevi long pepa bilong wokabaut.

Taim em stap long

Mosbi, Nepson i stap long lukaut bilong Kusak "Tigerman" Kamanek. Dispela i helpim em long autim sempion boksa bilong Papua Niugini, Moses Kelets taim ol boksa bilong PNG i pait na redi long Komonwol Gems. Tasol ol opisal i no bin kisim em. Long wanem taim em i paitim Moses Kelets na Kelets i pundaun, em i no stop. Nepson i wok long go het na paitim Kelets.

Long 1990 Nepson i go long Goroka. Taim em i stap long Goroka, em wantaim wanpela boksa bilong Goroka, Diminic Hoe i go long Lae long stap insait long nesenel sempionsip.

Bihain em i go long Rabaul long pait na redi long 1991 Saut Pasifik Gems. Tasol em i no pait. Long wanem sampela lo bilong Kristen Akedemi Baibel Koles long pait i stapim em.



• William Nepson sindaun long namel wantaim ol sumatin bilong em long Goroka Boksing Klap.

Vanimo ragbi tas ron gut tasol

VANIMO ragbi tas resis nau i stap long namba tri wik bilong pilai. Na olgeta samting i wok long kamap gut tasol.

Presiden bilong Vanimo ragbi tas resis, Jerry Auta i tok olgeta pilai i wok long kamap gut. Em i tok bihain long tripela wik, ol i no bungim wanpela hevi yet. Na em i bilip olsem olgeta pilai bai pinis long taim em ol i makim long en. Dispela em long neks yia Epril taim ol i holim gren fainal.

Wanpela nupela tim bilong ol man gen i bin givim nem long stap insait long resis. Dispela ol lain i givim nem tupela wik bihain long gem i stat.

Dispela nupela tim husat i bin stat pilai long las wiken em Laulau Itou. Na long las wiken, ol i bin pilaim namba wan gem bilong ol.

Long namba wan taim Laulau Itou i bin pilai wantaim Dov Brothers. Dispela pilai i bin kamap gut,

tupela sait wantaim i soim kain kain stail long win.

Tasol ol boi Laulau i putim moa stail na rausim tiket bilong Dov Brothers wantaim wan poin. Laulau Itou i bin kisim gutpela helpim i kam long kepten Robert Nali. Nali i wokim sampela gutpela ron long setim ol pilaia bilong em. Wanpela poin bilong Laulau Itou i bin kam long John Wini. Wini i painim sampela liklik rot na putim wanpela trai bilong ol.

Pilai bilong ol meri namel long Garamut Kantri na Narimo Panthers i bin wanpela gutpela pilai stret. Tupela tim i strong na ol i no putim wanpela trai. Wanpela pilaia bilong Narimo Panthers husat i bin kamapim gutpela gem long las wiken em Rachael Tarak. Tarak i bin helpim tim bilong em na stapim ol susa bilong Garamut Kantri long putim ol trai.

MBA COMMENCE SERVICES TO THE GOILALA AREA.

REGULAR PASSENGER & FREIGHT SERVICES COMMENCE TO THE FOLLOWING GOILALA PORTS:



SERVICES WILL DEPART MONDAY THROUGH SATURDAY FROM PORT MORESBY AT 06:30 A.M.

SERVICES IMPROVED, AIRFARES REDUCED

FOR FURTHER DETAILS CONTACT

MBA ON 252011

Goroka 7 - asait no wok

WINIS MAP i raitim

TINGTING bilong Goroka Soka Asosiesen long holim ol 7-asait pilai resis i no ron gut.

Goroka Soka Asosiesen i bungim sampela hevi olsem na ol i no inap long holim ol kik bilong 7-asait.

Presiden bilong asosiesen, Mathew Waram i tok bikpela hevi bilong ol i stap long ples bilong holim ol pilai.

Wanpela ples bilong ol long pilai em long Nesenel Spot Institut (NSI). Tasol long nau yet, ol lain bilong sof-bal i wok long yusim dispela fil. Olsem na ol i no inap yusim long pilai soka.

Narapela hevi em sapos ol i yusim fil bilong NSI, ol bai baim gen narapela lain long yusim fil. Dispela bai

kostim asosiesen sampela mani moa. Na dispela bai givim moa hevi long asosiesen taim ol i laik statim 1993 sisen.

Waram i tok GSA i bin putim gem bilong 7-asait long progrem bilong ol. Tasol taim ol i laik statim long mun Oktoba, ol i painim olsem ol i no gat ples bilong pilai. Em i tok planti tim i bin amamas long stap insait long dispela 7-asait resis. Tasol nau hevi bilong fil i pasim ol.

As bilong kamapim resis bilong 7-asait em long wokim ol pilaia i stap fit pastaim long sisen bilong narapela yia i stat. Nau yet planti pilaia i save stap nating na wetim tasol narapela sisen. Sampela pilaia i save les tu long pilai taim gem bilong arapela sisen i laik stat. Na kain gem olsem bai strongim tingting bilong ol pilaia long kik.



• Pilaia bilong Not Is i laik baisikel long bal egens birua bilong Gerehu Yunaited las wiken long namba wan gem bilong EPC soka resis long Bisini soka graun, Mosbi.

Vanimo redi nau long holim ol kik bilong fainal

WINIS MAP i raitim

VANIMO Soka Asosiesen i redi nau long holim ol kik bilong fainal. Olgeta tripela divisen bai holim ol fainal bilong ol long dispela wiken.

Presiden Vincent Tumpi i tok ol bai pinisim olgeta kik bilong ol nau. Na holim ol kik bilong gren fainal long narapela wiken. Dispela long wanem ol i laik pinisim olgeta kik hariap.

Ol i makim tasol 4-pela top tim long stap insait long ol fainal.

Long primia divisen 4-pela ples bilong Vanimo wes kos yet bai traime bun. Dispela ol tim bilong wes kos husat bai kik em Wutung, Lido, Waromo na Yako.

Long primia risev, 4-pela tim bai kik long ol fainal em Wutung, Asikai, Lido na Yako.

Na long pilai bilong ol meri, ol tim bai kik long ol fainal em Waromo, Yako, Lido na Watex.

Long kik bilong ol primia, bikpela pait bai stap namel long Wutung na Lido. Lido i olupela sempion bilong las yia na ol bai traime long kisim bek sil. Tasol ol boi Lido i mas was gut long ol kas bilong boda. Bikos nau yet Wutung em i maina primia na long ol pilai bilong sisen i kam, ol i bin kamapim planti gutpela stail tru.

Kik bilong painim namba 3 na 4 ples bai stap namel long Waromo na Yako. I luk

olsem Yako yet bai winim dispela gem na redi long bungim lusa bilong Wutung na Lido.

Primia risev bilong Wutung bai bungim Asikai long painim namba 1 na namab 2

ples. Na Lido bai bungim Yako long painim namba 3 na namba 4 ples. Wutung i gat bikpela sans long autim ol boi bilong Pewi nambis na go long gren fainal. Na ol badi bilong ples Lido

bai nekim Yako long kisim namba tri ples.

Long kik bilong ol meri, Waromo bai bungim Yako na Lido wantaim Watex. I luk olsem ol lala bilong Yako bai bagarapim sindaun bilong Waro-

mo. Na ol meri Lido bai bungim strongpela salens bilong Watex. Sapos ol meri Lido "Hotlain" i no was gut, ol "RB" bai kolim olgeta waia bilong ol na mekim ol i sindaun silip wantaim wari.

Ol busman kukim Vanimo taun

WANPELA klap husat i kamapim gutpela kik long Vanimo soka resis long Wes Sepik em Watex.

Watex em i tim bilong ol boi Bewani. Na dispela em i namba tu yia bilong ol long pilai insait long Vanimo taun resis. Dispela nem Watex i kamap long wanpela hap tok, "Watete." Em min busman long tok ples bilong ol lain long Vanimo wes kos.

Ol i bin kamapim Watex klap long las yia. Long dispela taim, Watex i bin rejistaim tripela tim: wanpela bilong ol meri na tupela bilong ol man.

Ol lain husat i bin go pas long kamapim Watex klap em Bob Namah, Max Api na Peter Ipun.

Bikpela as bilong kamapim dispela klap em long bungim olgeta boi bilong Bewani sab distrik.

Namah i bilip olsem spot i wanpela rot bilong

bungim ol yangpela wantaim maski ol i kam long ol arapela ples na tok ples.

Namah i gat bikpela bilip olsem Watex inap kamapim gutpela pilai bikos ol i gat planti gutpela man bilong kik. Long planti yia i go pinis stat long taim ol i statim soka insait long Vanimo taun, ol lain long Bewani i no bin putim wanpela tim. Na long las yia, tupela tim bilong Bewani i bin stap insait long resis. Dispela tupela tim em Ossima na Watex. Tasol Ossima i no gat tim long dispela yia.

Soka long Vanimo long las yia i kam inap long dispela yia i gutpela tru. Bikos planti ol arapela nupela tim i kam insait. Long bipo ol lain bilong wes kos wantaim ol lain bilong taun tasol i save pilai.

BENSON & HEDGES SOCCER



• Stail bilong Mosbi Pablik Sevan soka resis las wiken long Jemanla Futbol Graun (GFC) long Waigani. Moa stail olsembai kamap long dispela wiken.

Kos bilong helpim ol spot lida pinis long Madang

BEN TAUMAI i rattim

I GAT 26 man i kisim pinis setifiket bihain tasol long ol i pinisim wanpela kos bilong

Besik Spot Edministresen long Madang long Trinde, Novemba 9. Kos ya i bin stat long

Novemba 7 na pinis long Novemba 9. Man husat i go pas long dispela kos em John Pali- au, presiden bilong Asosiesen bilong Spot Edministresen long

Papua Niugini. Em i kisim helpim bilong provinsal spot opisa John Bivi.

Bihain tasol long ol i pinisim dispela kos, ol lain i wokim dispela

kos nau i save liklik long wanem wok ol man i go pas long spot i mas mekim.

Insait long dispela 3-pela de, ol i lainim ol samting olsem stori na ples bilong spot insait long kantri, ol rot bilong lukautim ol samting bilong spot, lo bilong wanpela spot grup, wok bilong ol man long lukautim opis na kain kain we bilong painim mani.

Ol lain i stap long dispela kos em Moses Kapum, Cletus Komsin, John Jacob, Michael Kalabia, Aima Koya, Charles Sobo, Abel Smith, Michael Smith, Michael Sengi, Titus Watipa, Peter Angasa, Paul Kig, Collin Milong, Paul Kambual, Tuigu Lanis, Alphonse Jambui,

Johnes Mandarip, Leoga Tanmara, Joe Siane, Fabian Sugu- man, Jimmy Sekum, Gerry Kap, Don Camil- lus Arek, Joseph Kaitil, Kosmo Sal, Jack Gabor Kunjum na Alphonse Magim.

Provinsal Spot Opisa John Bivi i givim bikpela tok tenkyu bilong em i go long papa bilong Kundu Trading Michael Gireng long givim mani na ol samting long ranim dispela kos. Em i tok olsem sapos nogat kain helpim olsem, ol man i kam long kos bai painim planti hevi.

Gireng em wanpela asples bisnisman long Madang na em i bilong Raikos.

Em i tok em i namba

wan taim bilong em long givim helpim long ol kos olsem na em i amamas tru bikos spot i pilaim bikpela wok long developmen bilong dispela kantri.

"Olsem na mi ama- mas tru long helpim mi givim," Mista Gireng i tok.

Wanpela man husat tu i stap insait long kos tu i laikim ol bikpela bisnis long Madang long bihainim gutpela pasin bilong Kundu Trading long helpim ol spot insait long provins.

Em i tok, "Long dispela we, spot bai go bikpela na bisnis bilong yu bai go bikpela tu."

John Paliu nau i ranim wankain kos long Lae.

Yangpela Malangan redi long Rabaul

STRONGPELA gem bilong ol meri long Rabaul sofbal bai stap namel long Malangan na Scorpius.

Malangan i gat planti gutpela yangpela pilaia na ol inap kamapim gutpela pilai long dispela wiken na autim Scorpius. Ol pilaia husat i save strongim Malangan long sampela gem bilong ol i go pinis em Kessie Value, Vuvung Oliver, Christine Tadoi, yangpela Belinda Tami, olpela Lae pitsa Ray Pulu na Theresia wantaim pikinini bilong em Tessie Woni.

Ol pilaia bilong Malangan i save pinis olsem ol bai pilai wantaim wanpela strongpela tim. Gem bilong dispela wiken bai strong tru winim ol arapela gem ol i pilai pinis.

Tasol bos meri bilong Malangan na seketeri bilong Rabaul Wimens Sofbal Asosiesen, Niumin Tami i gat bilip olsem tim bilong em bai stapim Scorpius taim ol i bung long Sarere apinun.

Meri husat bai go pas long Malangan em Cathy

Kombeng husat bai pilai olsem sot stapa. Ol arapela pilaia em Julie Low (bek stapa), Pelita Suk (namba tri bes), March Daniel (pitsa), Anastasia Malatana na pikinini bilong em Elain Malatana (aut fil). Ol yangpela pilaia husat bai givim helpim em Jacinta Tami, Janet Francis, Ivah Choi na Adia South.

Long arapela gem Wantoks bai pilai wantaim PTC. Francis Rangatin bilong Wantoks bai skulim gut ol meri bilong em long winim PTC. Bikpela pilai bilong apinun bai stap namel long Malangan 1 na Royals. Sapos ol plis meri i no strong, Malangan bai winim ol.

Arapela gem bilong ol meri bai stap namel long Elcom na Momase. I luk olsem Elcom yet bai winim dispela gem. Kikila Cats bai traim long autim tiket bilong Raiders. Salomie Tadaps bilong Kikila Cats bai traim long putim ol strongpela pilaia long winim gem.

LAE WOMENS SOFTBALL ASSOCIATION ROUND ONE DRAW No. 3 28/11/92

Diamond One

| Time | Teams | Umpires |
|-------|--------------------|-----------------|
| 9.00 | Bismark vs Taubar | (Jun) Fireball |
| 10.30 | Bismark vs Karanas | (L) P. Pasen |
| 12.00 | Fireball vs Elcees | (L) J. Mapai |
| 1.30 | Gazelle vs Taubar | (L) H. Costigan |
| 3.00 | Malangan vs Medics | (L) M. Kaluka |

Diamond Two

| | | |
|-------|-------------------------------|--------------------|
| 9.00 | Fireball/Coronation vs Elcees | (Jun) Bismark |
| 10.30 | PNGBC vs Defence | (Div. 1) R. Kambou |
| 12.00 | Tarangau vs Manalos | (Div. 1) Defence |
| 1.30 | Aviat vs Wantoks | (Div.1) A. Iikis |
| 3.00 | K.K.Kingston vs Tarangau | (Div. 1) Aviat |

Diamond Three

| | | |
|-------|-----------------------|-------------------|
| 9.00 | Gazelle vs Karanas | (Jun) Medics |
| 10.30 | Aviat vs Tarangau | (Div.2) K.K.K. |
| 12.00 | KKKingston vs Defence | (Div. 2) Tarangau |
| 1.30 | Coronation vs Royals | (Div.2) A. Manau |
| 3.00 | Kabiu vs Lae Tech | (Div.2) L. Gaman |

Diamond Four

| | | |
|-------|---------------------|---------------|
| 9.00 | Malangan vs Medics | (Jun) Taubar |
| 10.30 | Fireballs vs Elcees | (L/R) Steven |
| 12.00 | Bismark vs Taubar | (L/R) Elcees |
| 1.30 | Malangan vs Medics | (L/R) Gazelle |
| 3.00 | Gazelle vs Karanas | (L/R) Medics |



• Sampela ol lain bilong Madang husat i bin stap wokim Besik Spot Edministresen kos.

STORI

Nem: Francis Kiyen
Krismas: 19 yia
Longpela: 175 sentimita (cm)
Hevi: 73 kilogram (kg)
Ples: Papatilai
Provins: Manus
Marit/Singel: singel
Wok: Nogat
Klap: Goroka Boxing Club
Weit Divisen: Lait Midelweit
Namba wan taim bilong boksen: 1992
Bikpela Ialk: Mi laik pait strong na makim kantri long ol bikpela pait wantaim ol lain long ovasis.
Nambawan kosa: Willaim Nepson
Husat i grisim yu long boksen: Ol samting i kamap long televisen.
Ol arapela pilai: Soka.





BENSON & HEDGES SOKA

Wantok

PNGBC bosim PSSA

RAPHAEL SAMEL i raitim

KIK bilong Pablik Sevan Soka Asosiesen i wok long pulim planti ol pilaia husat i save kik long Pot Mosbi Soka Asosiesen resis.

Wanpela bilong ol em presiden bilong Pot Mosbi Soka Asosiesen, Posman Kisakui. Em i pilai long traime na kamapim wok bilong soka insait long Nesenel Kapitel Distrik (NCD).

Maski i gat planti gutpela wok kamap long PSSA na ol klap husat i stap insait,

asosiesen i gat sampela liklik hevi na ol i traime long stretim ol dispela hevi.

Presiden Francis Kasau i tok sampela liklik hevi i wok long kamap taim ol tim i pilai strong long traime daunim ol arapela tim.

Kasau i tok tu olsem sampela tim i wok long brukim lo bilong asosiesen long larim ol lain husat i no wok long pablik sevis long pilai. Em i tok planti bilong ol tim i wok long kisim ol ekspirians pilaia husat i pilai long Mosbi Soka Asosiesen na i no wok long gavman. Nem pablik sevan i min olsem ol lain

husat i wok long gavman dipatmen na ol dispela lain tasol i mas pilai.

Ol klap husat i brukim dispela lo bai kisim taim long kain pasin ol i mekim.

Nau yet PNGBC i wok long go pas long poin lata wantaim 8 poin. Ol tim i stap long namba tu ples em PTC, POSF, Works, na Plis. Ol i gat 5 poin. PNGBC i no lusim wanpela gem yet na ol arapela 4-pela tim i bin lus wanpela taim.

Ol pilai bilong dispela wiken i sanap olsem long Sarere; Hom Afeas man na

meri bai kik wantaim Habas Bod, Lens man na meri bai bungim NPF, PNGBC man na meri bai traime DCA, PTC man na meri bai kik wantaim Edukesen na NBC man na meri bai kaikai tit wantaim Teachers.

Gem bilong Sande; Elcom man na meri bai kik wantaim Lab Yuni man na meri wantaim Works, Teksesen meri na Helt, POSF man wantaim Helt, Jastis meri wantaim Hausing, P/Minista meri bai pilai wantaim DPM, Jastis man na CMB na McGregor bai pilai wantaim Natres.

NCD PUBLIC SERVANTS SOCCER ASSOCIATION DRAW SATURDAY NOVEMBER 28TH 1992:

| Time | Fixture | Division |
|-------|----------------------|----------|
| 8:00 | H/Affairs vs H/Board | Men |
| 8:10 | H/Affairs vs H/Board | Women |
| 8:30 | Lands vs NPF | Men |
| 10:00 | Lands vs NPF | Women |
| 12:00 | PNGBC vs DCA | Men |
| 12:50 | PNGBC vs DCA | Women |
| 2:00 | PTC vs Education | Women |
| 2:50 | NBC vs Teachers | Women |
| 3:40 | PTC vs Education | Men |
| 4:50 | NBC vs Teachers | Men |

SUNDAY NOVEMBER 29TH 1992:

| Time | Fixture | Division |
|-------|--------------------|----------|
| 8:00 | Elcom vs Labas | Men |
| 8:10 | Elcom vs Labas | Women |
| 10:00 | Uni vs Works | Women |
| 10:50 | Uni vs Works | Men |
| 12:00 | Taxation vs Health | Women |
| 12:50 | POSF vs Health | Men |
| 2:00 | Justice vs Housing | Women |
| 2:50 | P/Minister vs DPM | Women |
| 3:40 | Justice vs CMB | Men |
| 4:50 | McGregor vs Natres | Men |

Byes: DPM (Men)

EASTERN PAPUA CARNIVAL SOCCER TOURNAMENT DRAW - 1992

Saturday November 28, 1992.

| Bisini One | | | Bisini Two | | | Round |
|---------------------------|--------------------------|---|---------------------------|---|---|-------|
| 0700 | Togelu vs Mini | M | BMB vs A/Bay | M | 2 | |
| 0750 | Naniu vs Gerehu (2) | M | Yabwau vs Mwerarara | M | 2 | |
| 0840 | Boroko (1) vs Batu (1) | M | Gerehu (1) vs Simla (1) | M | 2 | |
| 0930 | Prayer (Combined Youth) | | | | | |
| 1000 | Kula vs Naniu | W | Tokarara vs Boroko | M | 2 | |
| 1050 | A/Bay vs S/Axe | W | Batu Sis vs Dodoegu | M | 2 | |
| 1140 | Gordons (1) vs Dodoegu | M | Maha'ama vs Rabaraba | M | 3 | |
| 1230 | S/Axe vs Tamarox (1) | M | Lagimu (1) vs N/East | M | 3 | |
| 1320 | Lagimu (2) vs Simla (2) | M | Batu (2) vs Naniu | M | 3 | |
| 1410 | Kula vs Luba | M | Tamarox (2) vs Simla (1) | M | 3 | |
| 1500 | Oyabia vs Togelu | M | Gerehu (2) vs BMB | M | 3 | |
| 1600 | LSC vs Yabwau | M | Gerehu (1) vs Boroko (1) | M | 3 | |
| Sunday November 29, 1992. | | | | | | |
| 0700 | Ambo vs Mini | M | Tufi Malets vs A/Bay | M | 3 | |
| 0750 | Boroko (2) vs Mwerarara | M | Gordons (2) vs Batu (1) | M | 3 | |
| 0840 | Tamarox vs Togelu | W | Weramaka vs Gordons | M | 3 | |
| 0930 | Service (Combined Youth) | | | | | |
| 1030 | Kula vs S/Axe | W | Tokarara vs Dodoegu | M | 3 | |
| 1120 | Maha'ama vs Naniu | M | Gordons (1) vs Simla (2) | M | 4 | |
| 1210 | Lagimu (1) vs Simla (1) | M | S/Axe vs Luba | M | 4 | |
| 1300 | Batu (2) vs BMB | M | Lagimu (2) vs Togelu | M | 4 | |
| 1350 | A/Bay vs Naniu | W | Batu Sis vs Boroko | M | 3 | |
| 1440 | Kula vs Yabwau | M | Tamarox (2) vs Boroko (1) | M | 4 | |
| 1530 | Oyabia vs Ambo | M | Gerehu (2) vs Tufi Malets | M | 4 | |

INSAIT



- Olpela blut bung long Mosbi...p20
- Goroko bok-sen klap...p21
- Goroka 7-asait resis no wok gut...p22
- Madang spot edministreta kos...p23



Stail bilong EPC • Pilaia bilong Maha'ama long raitan i kalap strong long hetim bai winim birua bilong Batu Brothers. Tupela tim ya i bung long namba wan op sisen gem bilong EPC soka resis las wiken long Bisini soka graun, Mosbi. Las wiken bikpela mas i bin kamap long olim dispela resis. Foto: Ivan Bayagau.

Hevi bilong klap afiliesen na pilaia rejistresen pasim ol Manus pablik sevan

WINIS MAP I raitim

OLGETA kik bilong ol pablik sevan long Manus i stap pinis bihain long asosiesen i pasim ol pilai.

Manus Pablik Sevan Soka Asosiesen presiden, Kanawi Sindol i tok ol i stapim ol pilai bikos planti klap i no bin baim ol klap afiliesen na pilaia rejistresen fi. Ol fi i sanap olsem klap afiliesen em K125 na pilaia rejistresen em K5.

Sindol i tok asosiesen i givim inap taim long ol klap long baim tasol planti klap i no mekim wanpela samting long baim ol dispela fi. Las de bilong baim ol fi em long Oktoba 19.

Ripot i tok olsem 8-pela tim i no bin baim ol klap afiliesen na pilaia rejistresen fi bilong ol.

Nau yet tupela klap tasol i baim olgeta fi bilong ol. Dispela tupela klap em DPI na Works.

Sindol i tok asosiesen i srukim taim na ol klap i mas traime long baim olgeta fi pastaim long pinis bilong dispela wik. Sapos nogat, ol bai stapim ol dispela lain tim long kik.

Tasol ol bai larim DPI na Works long pilai. Wanem tim i win bai kamap maina primia. Sindol i tok tu olsem ol bai kisim tasol ol pilaia bilong dispela tupela klap taim ol i wokim seleksen bilong pilai long pablik sevan soka resis ausait long provins. Na dispela kik resis bai kamap long Mosbi.

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.





SPLOKMAK

MAN, OL I NO WANBEL LONG MINISTA YAH...

WANDELA TAIM EM SALIM PRES RILIS IGO LONG OLGETA RIPOTAS LONG KAM LONG PRES KONFERENS BILONG EM...

EM KIRAP NA PAIARIM PRES SEKETERI BILONG EM...

BLARY @*?!? KUSAI MAN!!



MINISTA FOR YOUTHS & PRES LILIS

SORI TRU MAH APOLOJI... MI KANSOLIM PATI IGO LONG NEKS VIA... LUKIM!

OLGETA RIPOTAS, WE? @*? EM FOPELA AUA NA MI WET I STAP! OL I TING MI MANGI AH? @*?!?



'YU PRES SEKETERI BILONG MI, NA MI HAIARIM YU LONG SINGAUTIM OL IKAM! NOBLIT YU PAIA!!

T-TASOL OL I LES LONG KAM, YAH... OL I LES LONG YU...



WANPELA TAIM MINISTA BILONG YUT (MAIK) I GO LONG KAUGERE SETOLMEN LONG VISITIM OL YUT MANGI...

EM I GO INSAIT LONG SETOLMEN OLGETA NA BUNGIM OL RAEKOL SINDAUN I STAP...

EM TOKTOK POLITIK LONG OL I STAP NA AI BILONG I LUKIM NAIP INSAIT LONG TRAKSIS BILONG GANG LIDA...

HE! HE! HE! BAI MI GIAMAN TOKTOK NABAUT NA OL BAI HARIM TOK BILONG MI NA BIHAINIM!



KAUGERE SETOLMEN AT VO ON

GUDE OLGETA SANS BILONG MI!! MI MINISTA MAK!

!?!



MI MINISTA BILONG OL YUT NA MI MEKIM LIKLIK SOVE LONG EKSPIRENSIM STABILITI B-BILONG...

OH YES... HAMAS MONTI YUGATI...



Gift Wrap

INTEGRITY

TOASTER OR RICE COOKER *This Christmas*

RICE COOKER

Choice of 3 models

- UR18c (1.8L) K49.95
- UR22c (2.2L) K59.95
- UR28c (2.8 L) K69.95

Cool Touch Electronic 2 Slice Toaster only K32.95

Brian Bell Stores

Prices may vary outside main centres

● BOROKO - 25 5411 ● LAM - 42 3377 ● GOROKA - 72 1098 ● MT. HAGEN - 52 1999 ● RABAU - 92 1966



REBO

TOBENED SAITIM TASOL NA PUTIM TRAI ANANIT LONG TUPELA POS...




NAU REBO KIKIM BAL IGO INSAIT NA SEIM TAIM SAIREN BILONG FULTAIM I KARAI... OL I WINIM GEM.. 18-8 SKQA...



LONG GRANVILL MOTEL REBO I GIVIM TOK AMAMAS LONG OL... BIKMAN BILONG P.R.L JACK META TU IKAM HARIM TOKTOK...



MAN, BIA INO ISI LONG KAPSAIT... JACK META SAINIM SEK LONG K2,000 NA TROMOI IGO LONG KACINTA... SAUT!



NEKS DE LONG APIM NA OL I PLAI IGO BEK LONG KILINGIA - HOM TAUN...



OL MANMERI PIKININI SAMBAI LONG PLES BALLIS NA WELKAMIM OL... NAU OL BOIS I PATI IGO TULAIT I BRUK...



HEY, OL WANTOK! MI SAVE LAIKIM TRU LONG RITIM DISPELA SENTA PES, LONG WANEM OL FEIVARET KOMIK STORI I STAP LONG HIA! ATUS LOKET!!



EM NARO!

WANTOK

NIUSPEPA BILONG YUMI STRET OL GRAS RUTS BILONG PAPUA NIUGINIYA!

Musik TELEVISION Komik

Betty Betty lukautim namba wan ples

SINGSING bilong Rabbie Gamenu i kalap i go antap pinis long

namba wan ples long dispela wik. Betty Betty i kisim

ples bilong singsing bilong George Telek Mamua, lau Serious Tam. Na singsing bilong Telek na yang-pela Henry Kuskus, Namisali i kalap i go antap long namba tu ples.

tasol i laki long holimpas liklik yet. Wampela bilong ol dispela kain singsing em Ambai Kebara bilong Baundo. Long las wik em i bin stap long namba 19 ples. Na long dispela wik, em i bosim gen dispela ples.

Orait singsing Sila bilong Memehusa i kalap i go antap long namba tri ples. Long las wik, em i bin bosim namba 4 ples na nau i abrusim wampela mak na i go antap long namba tri.

Singsing Adisena bilong David Kurni nau i pundaun i go daun olgeta long namba 12 ples. Long las wik, em i bin bosim namba 9 ples. Dispela i kamap bihain long em i stap bosim ol namba wan ples inap long planti wik. Na wankain tu long singsing Yu Tasol bilong Jr Kopex na Meri Nipsco bilong Leonard.

Long dispela wik tu i gat tupela nupela singsing i go insait long lista bilong PNG Top 20. Dispela tupela singsing em Eye Bilong Yu Tasol bilong Chris Kuskus na Roglom Rosa bilong Rabbie.

Dispela' ol tripela singsing i bin stap holim ol namba ples inap long planti wik tasol nau ol i kapsait i go daun.

Namel long ol dispela, ol narapela singsing i wok long kalap i go antap na kam daun. Sampela i laik pundaun

THURSDAY 26TH NOVEMBER, 1992

| | | |
|-------|--|-------|
| 5.27 | STATION OPEN | |
| 5.30 | ITN NEWS | (G) |
| 6.00 | TODAY SHOW | (G) |
| 8.00 | STATION CLOSE | |
| 12.57 | STATION RE-OPEN | |
| 1.00 | MIDDAY SHOW WITH RAY MARTIN | (PGR) |
| 3.00 | KIDS KONA | (G) |
| | Sesame Street | |
| 4.00 | KIDS KONA | (G) |
| | Fat Cat | |
| 4.30 | QUICK DRAW McGRAW | |
| 5.00 | BEWITCHED | (G) |
| | "Marriage Witches Stytle" | |
| 5.27 | EMTV TOK SAVE | |
| 5.29 | EMTV NEWS BREAK | |
| 5.30 | HOME AND AWAY | (G) |
| 6.00 | NATIONAL EMTV NEWS | |
| 6.30 | A CURRENT AFFAIR | (G) |
| 7.00 | SALE OF THE CENTURY | (G) |
| | CHIN H MEEN SUPER-SOUND NEW RELEASE | |
| 7.25 | NEIGHBOURS | (G) |
| 7.30 | NEIGHBOURS | (G) |
| 8.00 | WHO'S THE BOSS | (PGR) |
| | "Angela's First Fight" | |
| 8.30 | ALL TOGETHER NOW: "Love Huns" | |
| 9.00 | THE GOLDEN GIRLS: "Sisters" | (PGR) |
| 9.30 | MARRIED WITH CHILDREN: "He Thought He Could" | |
| 10.00 | HEY DAD | (G) |
| 10.55 | CHIN H MEEN SUPER-SOUND NEW RELEASE | |
| 11.00 | NATIONAL EMTV NEWS | |
| | Replay | |
| 11.27 | MEDITATION WITH PASTOR WALO ARNI | |
| 11.30 | STATION CLOSE | |
| | FRIDAY 27TH NOVEMBER, 1992 | |
| 5.27 | STATION OPEN | |

EMTV

| | | |
|-------|-------------------------------------|-----|
| 5.30 | ITN NEWS | (G) |
| 6.00 | TODAY SHOW | (G) |
| 7.58 | EMTV TOK SAVE | |
| 8.00 | STATION CLOSE | |
| 1.40 | STATION RE-OPEN | |
| 1.42 | CHIN H MEEN SUPER-SOUND NEW RELEASE | |
| 9.47 | EMTV TOKSAVE | |
| 9.50 | CRICKET | (G) |
| 12.30 | ALL STARS TO THE RESCUE | |
| 1.00 | CRICKET | (G) |
| 4.00 | KIDS KONA | |
| | FAT CAT | (G) |
| 4.30 | QUICK DRAW McGRAW | (G) |
| 5.00 | BEWITCHED | (G) |
| | "Going Ape" | |
| 5.27 | EMTV TOK SAVE | |
| 5.29 | EMTV NEWS BREAK | |
| 5.30 | HOME & AWAY | (G) |
| 6.00 | NATIONAL EMTV NEWS | |
| 6.30 | A CURRENT AFFAIR | (G) |
| 7.00 | SALE OF THE CENTURY | |
| | CHIN H MEEN SUPER-SOUND NEW RELEASE | |
| 7.25 | NEIGHBOURS | (G) |
| 7.30 | NEIGHBOURS | (G) |
| 7.55 | NCDC NEWS | |
| 8.05 | BURKE'S BACKYARD | (G) |
| 8.57 | EMTV TOK SAVE | |
| 9.00 | FRIDAY NIGHT MOVIE: "Oxford Blues" | |
| 11.15 | CRICKET DAY 1 | |
| 11.45 | NATIONAL EMTV NEWS | |
| | Replay | |
| 00.15 | MEDITATION WITH PASTOR WALO ARNI | |
| 00.18 | STATION CLOSE | |
| | SATURDAY 28TH NOVEMBER, 1992 | |
| 10.27 | STATION RE-OPEN | |
| 10.30 | SKY ROCK | (G) |


| | | |
|-------|---|-------|
| 12.00 | GILLETTE | (G) |
| 12.30 | CRICKET 1ST TEST | (G) |
| 4.47 | CHIN H MEEN SUPER-SOUND NEW RELEASE | |
| 5.00 | BEYOND 2000 | (G) |
| 6.00 | NATIONAL EMTV NEWS | (G) |
| 6.30 | HEY HEY IT'S SATURDAY | (G) |
| 9.30 | AUSTRALIA'S FUNNIEST HOME VIDEO | (G) |
| 10.00 | MTV | (MAO) |
| 00.57 | MEDIATION WITH PASTOR WALO ARNI | |
| 01.00 | STATION CLOSE | |
| | SUNDAY 29TH NOVEMBER, 1992 | |
| 6.57 | STATION OPEN | |
| 7.00 | BUSINESS SUNDAY | (G) |
| 8.00 | SUNDAY | (G) |
| 9.50 | 1ST TEST CRICKET | (G) |
| 12.00 | 1992 KOREA IN FOCUS | (G) |
| 12.30 | 1ST TEST CRICKET | (G) |
| 5.00 | BONANZA: "Decision at Los Robles" | (G) |
| 5.55 | CHIN H MEEN SUPER-SOUND NEW RELEASE | |
| 6.00 | NATIONAL EMTV NEWS | |
| 6.30 | WONDERFUL WORLD OF DISNEY: "El Fuego Bacca Part IV" | (G) |
| 7.25 | EMTV TOK SAVE | |
| 7.30 | THE BEST OF 60 MINUTES | (G) |
| 8.30 | SUNDAY NIGHT MOVIE: "Teenage Mutant Ninja Turtles" | (PGR) |
| 10.00 | GUNSMOKE: "Tara" | (G) |
| 11.00 | NATIONAL EMTV NEWS | |
| | Replay | |
| 11.27 | MEDITATION WITH PASTOR WALO ARNI | |
| 11.30 | STATION CLOSE | |

PNG TOP 20

AS AT 26/11/92

| NO. | SONG | ARTIST |
|---------|----------------------|---------------|
| 1 (2) | Betty Betty | Rabbie Gamenu |
| 2 (3) | Namisali | Telek/Kuskus |
| 3 (4) | Sila | Memehusa |
| 4 (1) | Iau Serious Tam | Telek |
| 5 (5) | Mi Save Wari Tru | Telek |
| 6 (8) | Vitolo | Henry Kuskus |
| 7 (6) | Golden Pillow Tar | Alo-Pops |
| 8 (7) | Goi Vavine | Helgas |
| 9 (11) | Atalex Bay | Kuskus |
| 10 (10) | Na Ewari | Alo-Pops |
| 11 (14) | He Turned My Morning | Sikal Kelep |
| | Adisena | David Kurni |
| 13 (15) | Daystar | Loujaya Dunar |
| 14 (13) | Tura Lalokau | Memehusa |
| 15 (18) | I'll Miss You | Louie Warupi |
| 16 (0) | Eye Bilong Yu Tasol | Chris Kuskus |
| | Yu Tasol | Jr. Kopex |
| 18 (16) | Meri Nipsco | Leonard |
| 19 (19) | Ambai Kebara | Baundo |
| 20 (0) | Roglom Rosa | Rabbie |

• Ratings based on requests on Radio Kalang and not cassette sales.



SALEM

GOVERNMENT WARNING
SMOKING IS DANGEROUS TO HEALTH

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.